

Егор Колегов

МБУК "Сыктывинская ЦС" **Ужжан му**

МУК «Сыктывдинская централизованная
библиотечная система»
Ыбский филиал
Библиотека им. В.И.Безносикова

Егор Колегов

ЧУЖАН МУ

Кывбурьяс

Сыктывкар, 2010



МБХК «Сурьвинская ЦБС»

ББК 84(2Рос-Коми)

К60

Составитель: М. Г. Колегова

Автор вступительной статей: М. Г. Колегова

Компьютерная верстка: Л. Н. Муравьева

Колегов Е.

Чужан му: кывбурьяс / Егор Колегов ; МУК «Сыктывдинская централизованная библиотечная система», Ыб. фил. б-ка им. В. И. Безносикова ; сост.: М. Г. Колегова. - Сыктывкар, 2010. - 102 л. б.

Медводдза Ыбса гижысь, коми литература подув пуктысьясысь öти – Егор Васильевич Колеговлön кывбурьясыс эз петавны торья сборникöн, но уна на пыись тöдса коми йöзлы, кызд народной сылланкывьяс, сикт-грездын öнöдз на позьö кивны «Ылын-ылын роч Кавказын», «Ми посни еджыд лым чирьяс» да мукöд сылланьяс.

Е.Колеговлön кывбурьясыс кранитчöны Коми Республикаса Национальнöй архивын – Фонд 948, Оп.1, Д.2.

Егор Колегов – медводдза ыбса гижысь

1895 воын кос му (апрель) 21 лунö Сыктив вожса Ыб вöлöсьтын гöль крестьянин семьяын чужис зонка, кодi бöрынджык лоис нималана кывбур гижысьöн. Нимсö сылы сетисны Ёгор. Батьсö вöли шуöны Василей Архиповичöн, мамсö Соломония Александровнаöн. Семьяс вöли квайт челядь: Константин, Иван, Ольга, Татьяна, Ида. Ёгор вöли медыджыдöн. Быдмисны сьöкыда. Ёгорлы удайтчис велöдчыны сöмын куим во начальнöй школаын, велöдчис окотапырысь. Тöлка да сямä Ёгор 1909 воын помалис Ыбса начальнöй земскöй училищесö бур баллясöн.

1912 воöдз Егор Колегов уджалис отсасысьсöн Павел Савельевич Колегов дядь ордас, кодi вöли вöлöстнöй писарöн, а сэсся мунис гортсыыс аслыс кынöмпöт перйыны Усть-Сысольск карö. Сэни босьтчис уджавны земскöй начальникса письмоводительлөн отсасысьсöн, а сыдз жö землеустройство кузя делопроизводительöн. Медасылис уджавны Дырносса кирпич вöчан кустарнöй заводö сөй талавны, грузчикалис карса пристаньын, тэчлис пач. Кык во мысти, 1914 воын, бура уджалöмысь Ёгорöс мөдöдöны вöлöстнöй писарöн Маджаö.

Тани сийö гөтрасьö. Гөтырыс, Елфимова Анна Артемьевна, 1917 вося кос му 3 (16) лунö чужтис Е.Колеговлы Елизавета нылöс. Олисны Маджаын 1917 вося май 1-öд лунöдз. Сэсся овмөдчылисны Сыктивдiн районас Зеленечö, олисны 1919 воöдз. 1919 вося январь 1 лунсянь 1919 вося сентябрöдз Егор Колегов служитис Краснöй Армияын. Сэсся комиссуитисны.

Служба бöрын семьянас локтис Ыбö, Егор Васильевич босьтчис вöлöстнöй писаравны. Сиктса писарлөн уджыс батрачитöм кодь жö вöлис: крестьяна век мыйкö тшöктывлисны гижны да корсьны, а начальниккяс грöзитчывлисны штрапуйтны.

1920 вося ӧшым заводитчигӧн Егор Васильевич став семьянас вуджис овны Усть-Сысольск карӧ. Овны вӧлі некӧн, и Анна Артемьевналӧн батьыс, Артемий Степанович, тшӧктіс стрӧитчыны и отсаліс керка кыпӧдӧмын. Ӧні тайӧ Киров уличаса 57 номера керкаыс сулалӧ на.

Гижны кывбурьяс Егор Колегов заводитіс водз, но йӧзӧдны найӧс кутіс сӧмын Октябрьса революция бӧрын. 1921 восянь сійӧ йӧзӧдчӧ «Удж», а сӧсся «Югыд туй» газетьясын да «Ордым» журналын. Ёнджыкасӧ тайӧ политической да антирелигиозной темаа кывбурьяс. 1921 вося кос му 7 лунӧ «Удж» газетын петӧ «Коми му босьтчас» кывбур.

Илля Вась (Василий Ильич Лыткин) «Коми гижысьяс» небӧгын зӧв дженьыда, скупа доньялӧ Егор Колеговлысь 1926 воӧдз гижӧм кывбурьясӧ, но ясыда тӧдчӧдӧ поэтлысь шмонитны кужанлунсӧ (юмористической да сатирической талантсӧ): «сійӧ гижӧ коми йӧзлӧн сьӧкыд олӧм йылысь, эрдӧ-петкӧдлӧ попьяслысь ылӧдчӧмсӧ».

1925-27 воясӧ сӧвмӧ посни войтырлы коми литература. Ыджыд тӧдчанлун таын и Егор Васильевич Колеговлӧн. Сӧки сійӧ челядьлы лыддьӧм вылӧ гижис «Шор», «Ичӧтдырся олӧм», «Посни челядьлы сьыланкыв», «Йи чойӧд ислалӧм» кывбурьяс да мукӧд. Егор Ваисльевич уна кывбур сиис выль олӧмлы, Коми му сӧвмӧмлы.

Сиктын быдмӧм морт, Василей Ёгор бура тӧдіс коми йӧзлысь олӧмсӧ. Зӧв паськыда нимавліс сьлӧн «Пӧсь пывсян» кывбур, кӧні шмонитӧмпырысь серпасалӧма нывбабаясӧс, кодьяс пыр петкӧдліс став олӧм-вылӧмсӧ.

Кызьӧд вояс помын - комынӧд вояс заводитчигӧн Егор Васильевич уджаліс зырянизация нуӧдӧм кузя инструкторӧн, а 1933-34 воясын – Коми небӧг лӧдзанинын литературной сотрудникӧн. Сӧки сійӧ мӧвпавліс йӧзӧдны аслас бӧрйӧм гижӧдьяслысь сборник да выльысь видлаліс найӧс. Илля Вась

аслас рецензияын пасйис: «Со кӧнӧ вӧлӧм коми поэтис, настоящӧй коми гижысь.»

Поэт Егор Колегов оліс да уджаліс сэтшӧм нималана коми гижысьяскӧд, кызди Нӧбдинса Виттор, Илля Вась, Михаил Лебедев (Юсь), Тима Вень. Коми пролетарскӧй писательяслӧн ассоциацияӧ пырысь поэт, сідз жӧ вуджӧдліс коми кыв вылӧ роч классикъяслысь - Антон Чеховлысь, Владимир Маяковскийлысь, Демьян Беднойлысь, Михаил Светловлысь гижӧдьяс. Комиӧдліс и сыланкывьяс. Ӧні на поэӧ сикт-грездьясад кывны сэтшӧм сыланкывьяс, кызд «Ылын-ылын роч Кавказын», «Колльӧдӧм».

30-ӧд воясӧ Егор Васильевич Колегов мӧдысь гӧтрасьӧ. Мӧд гӧтырыс - Визябӧж сиктса ань Анна Александровна Старцева. 1933 воын Василей Ёгорлӧн да Анна Александровналӧн чужис ныв – Социалина. Но олӧмыс мыйкӧ абу ладмӧма, и Е.Колегов бӧрыннас пыр олӧма медводдза гӧтыр семьяс.

Чорыда висьмӧм бӧрын овмӧдчис чужан гортас – Ыбын. Кувсис 1937 вося йирым 19 луно. Дзебӧма Ыб сиктса Березник грездса шойна вылын.

Егор Васильевич Колегов оліс дженьыд нэм – нелямын кык во. И век жӧ сылӧн творчествоыс колис тӧдчана пас коми литератураын. Кӧть и эз петав Егор Колеговлӧн ни ӧти кывбур чукӧр, ни ӧти небӧг, сійӧс тӧдӧны, казтывлӧны, лыддьӧны, сылӧны, сылӧн вуджӧдӧм сыланкывьяс. Матӧ сӧ гижӧд – кывбурьяс, фельетоньяс, вуджӧдӧмьяс колис миянлы, аския олысьяслы, Василей Ёгор – Егор Васильевич Колегов, коми поэт, ыбса гижысь.

Марина Колегова, Ыб сиктса библиотекарь.

АДА – РАЯ КОСТЫН

(Теш)

Көлөкөльничао кайи
Таво ыджыд лунө.
Сэни вылын, быттьо райын,
Бовчысь вөлі уна.

Кор ме бөрлань мөді улө,
Кузь пос йывсянь уси, -
Места вылын быттьо кулі...
Ог төд, дырө узи.

Коркө садьой кутіс воны,
Дзикөдз сэсся ловзи:
Гөгөр видзөдлі да ёна
Первойсө ме повзи.

Кык ныв босьтөмаось менө
Отар - мөдар бокөд:
«Ми пө гортад нуам тэнө,
Чегис-эз нө кокыд?»

Отиыслы нимыс Ада,
Мөдыс вөлі Рая...
Гашкө веськалі ме адө,
Эз кө вөвны найө.

Он и төдлы, кокөн- юрөн,
Ловйөн олігкості
Бордтөг лэбалігөн сюран
Ада-Рая костө.

АР

Гажтõм ывла вылын:
Воши мича сзэь.
Киссьõ зэр да слõта,
Няйт ва содõ сзэь.
Кõtасьõ зэр улын
Потшõс бокын пыш.
Ылдысьтõ ва дорысь
Чери кыян пыж.
Вижõдõ пу йылын
Гожся мича кор;
Кõдзыд абу ылын -
Йизьõ лыа дор.
Мыйла, арõй, йõзлысь
Вежан олан ног,
Жугыль луннад вайан
Сьõлõм вылõ шог?

БЕЛÕЙЯС ДЫРЙИ

(гудрасьõм)

(сьыланкыв)

-«Кор нин краснõй права кулõ?
Õдйõнжык мед мунас ылõ!
Саридзьясõ (2 пõв)

Кулакьястõ лэптõ вылõ!
Белэй чукõр локтõ-кылõ
Зарниясõй! (2 пõв)

Лун-мõд нин, пõ, найõ карын,
Кайтõ йõзлы Семан Марин,
Вомыс пуд,- (2 пõв)

Самей пöру - няня арын,
Мужик локтас - ловö барин -
Югыд кыа. (2 пöв)

Белэйясыд то нин, то нин!
Мыччысисны «Сёська-чойын»,
Кежö ставöн! (2 пöв)

Звöнтö ватагаöн лэптö!
Корö батюшкотö-поптö,
Вежа ваöн (2 пöв)...»

Окочейöн вичко тырис,
Коді кужис - быдöн сылпс
Акапистöн. (2 пöв)

Сэні Гашö кыськö чужис,
Краснэй права сылы чушис –
«Антикрислöн». (2 пöв)

Кыті коми, кыті рочöн,
Йöзöс тыртис первой речöн,
Кыдзи колö. (2 пöв)

- «Дыр нин ветлі бöжтöм көчöн,
Мукöд луннас ва ни сöчöн...
Сідзи ола». (2 пöв)

Сэсся йöзлы: «Кыдз-нö, мый-нö
Няньыд тiян гуын куйлö,
Кык-куим пуд. (2 пöв)

Позьö лэдзны курыд выйтö –
Права вежсис - ю көть мыйта,
Некод оз кут. (2 пöв)

Кывзöй, кывзöй, кодi пеля:
Быдтор йылысь петiс вöля
Сывтыртöмөн. (2 пöв)

Кодi пуксьö вöли гöльö,
Сылысь джагöдам ми голя,
Шыртыштöмөн. (2 пöв)

Челядь, зiля, Челядь, гора
Важ моз сывны босьтчö бара...
Гажа пöра. (2 пöв)

Паськöм вежсяс, оз ло дöра,
Вайöм тöвар чöлöй гöра,
Мича сера. (2 пöв)

Ситеч - нойтö юкам быдөн,
Воас сiйö аршын витөн,
Сатин сорөн. (2 пöв)

Артö кодлы ной ни ситеч
Плешкас сетам ыджыд свинеч
Порок сорөн. (2 пöв)

Кутшöм гöльлы уна тöдöм?
Клубын частö быгтьö содом,-
Сiйöс тупкам. (2 пöв)

Гөгөр чышкам, мыскам, косьтам,
Сэтчö Управа ми восьтам,
Чинъяс пуктам». (2 пöв)

Скодьяс вылын öткодь котыр -
Марина да Илля гöтыр,
Чиклясьöны. (2 пöв)

Войын узылөм оз и овлы,
Ыджыд абу-оз ков повны,
Суклясьоны. (2 пөв)

- «Шаньга, рыська... чөскыд няньтö
Белэйяслы, Парö, вай тэ,
Да гөбөчсьыд». (2 пөв)

- «Сейö, сейö, мича йөзöй,
Сэсса краснэйястö резöй
Автоматсьыд. (2 пөв)

Найö понда оз позь петны,
Сьөлөм чеччö - көсйö потны...
Омоль олөм. (2 пөв)

Беднэйяссö ваö вöйтны!
Биөн сотны, либö нöйтны,
Колям полөм... (2 пөв)

ВАЖÖН И ÖНІ

Важөн сөмын тöдліс сар
Кабак да полица;
Öнi коми «Сыктывкар» -
«Зыранскей столица».

Пемыд пыштi ветлім дыр,
Лымсö, няйтсö лойим...
Öнi оз нин доймы ныр -
Лектричесво лои.

Важөн, кыдзи вöрын лыс, -
Пемыд, пыр и вошан,
Нылöс босьтан киöдыс -

Кватитчан да... тоша.

Өні сюръя йылын би,
Сутугаод мунө,
Сэтшөм югыд - той көть ви,
Лун-ө, вой-ө - вунө.

Важөн спектак вылын роч,
Югыд кизя вөрө...
«Прөстөй» йөзлы шуө - «проч!
Ті, пө, онө төрө!»

Өні, майбыр, только пыр,
Некод нин оз вөтлы;
Коми йөзлы гаж эм пыр,
Сөмын клубө ветлы.

Важөн сарыд вөлі бур:
Винаясөн пөдтө -
Пемыд йөзлы суйө дур, -
Шоша вылад рөдтө...

Барин водзын коми кыв
Петкөдлыны полим...
Коми йөзлы чужан кыв
Важысянь нин колі.

Өні аддзад, эм кө юр,
Коді олөм вайө,
Кутшөм права вөчө бур:
Важыд, али тайө.

ВЕЧЕР

Рыт кө воас, вечер вылө
Мунёны том йёз.
Сійё пёраын, туй вылын
Кыссьё, бытён гез...

Со и вечер, гажа вечер,
Керка йёзён тыр;
Нывъяс, зонъяс ... ыджыд чукөр,
Кызди вёрын мыр...

Налён бурмё сәні сьёлөм,
Оз ков вина-сур.
Со и йөктөм, сәсся сьылөм
Садь войтырлөн бур.

Сәні «жөник» ветлө-сьылө:
«Я сыскал, нашёл»...
Өти мортлы шувө, кылө:
«Шурин, ты пошёл!»

Сән вот кытшён ворсөм бара,-
Ныв-зон сувтас тшем,
Трипон дядьёс горзөм гора...
Римскей папа» сән...

Ворсасны и мукөд ногөн,
Мудзтөг - быдөн збой.
Некод оз мун сәтысь лөгөн,
Гажа кольё вой.

ВИЗЬЛЫ

Олан-вылан, «Уджо» гижысь!
Коді гижсис - визь!
Гашкө, чайтан, ми пö дышөсь
Ме да шуа сідз:
«Ой, ог вермы выльтор сетны -
Коми лыддян тор.
Служба вылысь некыдз петны,
Уджой уна тор:
Канцелярияын колö
Гижны лун и вой,
Шойччан пöра оз и воны -
Ёна мудзö сой.
Лунысь лунö делö вылын -
Ёна мудзö юр;
Йойман лунöй абу ылын -
Регыд лоа дур...
Ой, ог вермы выльтор сетны -
Уна быдся удж.
Сомын оз ков вурун летны
Абу летчан вудж».

ВИЧКО СЛУЖБА ДА ПРОПОВЕДЬ

Затрення кö муртса тоньгас -
Батько сывны пыр и доньгас;
Бөрсьыс саломшик, оз узь...
Юрси-паськөм кузьысь-кузь.
Кевмысь вичко пытшкө пырас.
Кырлөс сьылысьясөн тырас –
Алилуйя, пырысь-пыр,
Горөдасны вичкө тыр.

Стөрөж Пома делө төдө,
Ладан кадилөө лөдө,
А старөста вок Õнись,
Зіля-зіля вөзйө сись.
Дякөн кадилөөн ветлө,
Йөзлысь «пеж дум» лөкысь вөтлө,
Ен кыв киссьө, ой-ой-ой,
Мый он вунөд лун и вой...
Вичко пытшкөс тшынөн лөзмө -
Õти-мөдлөн шева дөзмө,
Мукөд копыртөма юр,
Вөталө пу йылысь ур.
Веськыд вылас мужик чукөр,
Паськөм шылыыд - абу чукыр,
Юрси мича - сулик вый,
Оз пов шырысь, көть тэ мый.
Нывбабаяс мөдар бокас,
Юрбитөны пидзи кокнас,
Чөвталөны пернапас,
Шөпкөдөны ыж пель пас...
Видзөдөны улө-вылө,
Думнас мунөны зэв ылө,
А кык костас мича ныв
Зонлы шувө: «Он мый кыв?
Войтө пукны талун волы,
Он кө толькө... Нолы, нолы!..
Õнъя пөра абу важ
Нывъяс вөчам гажа гаж»...
«Бур йөз» унджык празьник лунө
Вичко паськыд - төрө уна,
Батько сы вылө и рад -
Налы висьталас рай-ад.
Служба мунө - асья эштіс,
Батько занавеска вештіс
И өбөнняя вөссис пыр;
Йөз век содө - вичко тыр.

Вот и «верую» нин съывсис,
Сэсся «тебе поём кывсис»,
«Достойно» и «Отче наш»...
Быдён чөлөсь - кутш ни катш.
Служба мунö - быд кыв водзö,
Стөрöж Пома шöйтö-жөдзö,
А сэк костті миян поп
Вёлтар водзö петіс стоп;
Киас гижөд чукөр кутö,
Думнас: «Часлы, талун тута»,
Сэсся восьтіс лөсьыд вом -
Проповедьлысь босьтіс пом:
«Во имя отца и сына...
Төдан, енмыд ёна вына,
А сы понда эн веж дум,-
Тіянлы ме – пыртчан кум...
Ыджыд виддзын гректö мынтöй,
Ульлунья тор сэки кынтöй,
Висьтав, дашкö, шулін мать -
Гректö прöстас тіян бать;
Сьвятэй празьниктö эн вунөд,
Челядьастö татчö нувөд
И ен думысь тэ эн кеж -
Сэтшөм мортыд зэв нин пеж;
Дай эн вунөд якöс-попöс -
Лыдды кызди асьыд вокöс,
Колö найöс төдны век,-
Сэки тіян оз ло грек;
Яйтö, выйтö налы видзтöй,
Гуга пудовнятö кисьтöй,
Сэки аддзас менö ен -
Он кут висьны лоан ён.
Төданныд быдөн ті, вокьяс:
Вайö миянлы юр-кокьяс,
Мый эм тэнад - быдтор сет
И тэ енсянь лован пөт.

Величайтö пöтка-чери,
Тiян сiдзжö чури-чери:
Сэтчö оз мун уна сов -
Весалö тi ассьыд лов...
Вайö пуктас, вайö вотöс,
Ставыс ладнö – скöтлы пötöс,
Дöра, чулки, кепысь вай -
Кулöм бöрын ловö рай.
Дияннöыс абу прöстö:
Грека мортöс сир би öзтö,
Мöдар югыд дзикöдз эм,-
Сэни овны ловö нэм.
Поп-яклы эн жалит нинöм -
Чöскыдторйөн бурмö кынöм,
Колö сетны налы рад,
Ато мöдарын öд ад!..
Рöдительястö эн вунöд:
Гу дорöдз поп-якөн нувöд,
Колö сöмын öти бж –
Прöсмас сылөн му выв мыж.
Сэсся субöt луньяс тöдö,
Вичко пызан вылö лöдö:
Шаньга, блин и мукöд нянь –
Рöдительлы ставыс шань.
Кодрасьнытö колö частö:
Сейны сэки налы чöстö,
Сетö сөрöкуснöй мöс,
Мед оз сибав мутьня бес...
Тайö кывьяс энö воштö,
Ен бать водзын ёна ошка...
Кодыр служба – бара лок,
Öни - аминь, муса вок».

Ок, тi, йöзöй – пемыд войтыр,
Пальöд ассьыд сьöкыд ойбыр!

Садьмы, пыркнит узян юр,
Шыбит нэмөвөйся дур.
Шусян кө ен дума мортөн –
Юрбитнытө колө гортын;
Лыдды ивангилльө, дзик
Квайтөд юрысь квайтөд стик.
Сэни Матвей сідзи шуө:
Вичкоын пө энө жуө,
Лицемерьяс толькө сэн,
Быдлаысь пө аддзө ен*.
Кулөм мортөс энө вердө
-Төданныд вед, муө бердө,
Кулөм бөрын воө пом –
Оз нин вөрөд сійө вом.
Субөт луно коді вошйө?
Рөдительяс сэки - «вешйө!
Китө нянь дінас эн ляк!»
Рөдительыс поп да дьяк...

**Видзөд ивангелльө (Евангелие) Матвейсянь, юр -
6, стик -5-6.*

ВӨЛӨСТНӨЙ ПИСАР (Важ олөм йылысь)

Ок, тэ, писар - коньөр морт,
Быдлун мырсы - гиж да сёрт,
Воас выльлун - гиж да гиж...
Чужөм вылад дзик нин виж.
Да и вторник корө вын, -
Лунтыр сөйнытө он мун;
Йөзөн правленньөйд тыр, -
Гижан середаө дыр.
Сідз жө четвергө он узь -

Луныд, коньөрлы, зэв кузь;
Сюрө пекничаө пай, -
Быдөн шуө: «Билет вай!»
Уджтөг субөта оз коль:
Гижан, зяткан тшөтки моль;
Вөскресенняыд оз вун -
Ковмас пессыны кузь лун.
Со и выльлун локтис мөд,
А тэ шойчөгтө он төд.
Уна тэ вылын эм бать, -
Горзө обществоыд - «мать!»
Йөзыд водзын быттьө пон, -
Некод оз шу: «Верман он?».
«Мирской казак» тэнад ним...
Быдөн сувтөдөма син...
Бурө некодлы он во,
Көть тэ мырсы кымын во.
Локтас Земской - адзө мыж, -
Тэ, пө, делө вылад «ныж»...
Пасьяс козин тэныд - штрап...
Сылы кок вылас тэ - крап!
- «Благородье, сідз эн вөч, -
Тайө сьөмас кисьті пөсь»...
Локтас Пристав - зэв он жы,
Мед оз кывлы коклысь шы,
Дай Урядник водзын пов...
Нэмыд топыдінын ов.
Лоан пөрысь - «тэ пө шеть!»
Быдөн кутны көсийө «тшөт»
Сэкі он ков, сөмын - пет,
Тэнад семья тшыг көть пөт...
Ок, тэ писар, коньөр морт,
Тэнад матын гу да горт...
... Со кызд важөн, муса пи,
Овлім писар чукөр ми.

ГРЕК
(Теш)

Миянсянь ылын,
Ылын лунвылын
Оліс да выліс Паша-турок.
Енмысь эз повлы,
Перна эз новлы,
Кослунын сёйліс выялём рок...
Коркө-не коркө
(Бубаыд торкө)
Паша-турокөс «таляліс» грек
Сёйны ни юны...
Петны ни мунны...
Кытчө он тувчы - быдлаын рөк.
Тыдалө овсис...
Сөмын эз повзы
Вокыс туроклөн Паша-Кемаль.
Грекөс тай тшапкис,
Му бердө крапкис...
Люкөдіс, чужйис... Вокыд өд жаль.
Ёна кө дурис -
Уна и сюрис:
Котөрөн нуис медбөрья лов.
«Гаясьысь» грекыд
Муніс тай регыд;
Сымда и колө, сөмын эн пов!
Пөрысьяс, кывзөй,
Том мортлысь кывсө:
Пышйис Кемальысь «талясьысь» грек,
Позьö и овны,
Грекысь не повны,
Кослунын позьö чунявны нөк.

ДУКОВНА

Арлыдöй кызь витысь петі,
Кувны кө - самöй нин кад;
Ачымöс сьмертлы ме сета,-
Лöсьöдча видлыны ад,
Кужи кө садьöн ме овны,
Мывкыдöй абу на дзор...
Вöча ме тайö дуковна -
Колляла казьтылан тор;

СЛУЖАЩÖЙЛЫ:

Коля ме тiянлы вөрö,
Керасысь, пилитчысь пи,
Дöмсьыныд - ас кыöм дöра,
Коля ме «Петровскöй» би.

КАРСА ЙÖЗЛЫ:

Войын кө көсьян тэ петны,
Кокьястö дор, мед он чег...
Кöртъяссö шуи ме сетны,
Оз компосорыд ков сэк...

ПÖРЫСЬ ЙÖЗЛЫ:

Тiянöс колö нин дзезбны,
Колö нин дари да горт...
Райö кө көсьянныйд лэбны,
Коля ме турилысь борд.

ТОМ ЙÖЗЛЫ:

Шыбитöй важ йöзысь полöм,-
Полöмön наысь он мын;
Ёнмöдны öнъя выль олöм

Сиа ме эбӱс да вын.

ЕНЛЫ

Мыйла ланьтін, ыджыд ен?
Сідзи ӱмӱй колӱ?
Пӱрысь йӱзӱс кутӱ шен:
Том йӱз ентӱг олӱ,-
Вичко пыдди налӱн - клуб,-
Сӱмын пӱрысь ветлӱ;
Блюдйӱ ӱкмӱ ещӱ руб,
Сиськыд абу - петлӱ!
Паськыд муын уна лӱк,
Тэныд колӱ тӱдны.
Йӱзыд пытшкын пуӱ рок -
Озыр кӱсйӱ пӱдны...
Кытчӱ вошин, ыджыд ен?
Кӱнӱ тэнад милӱсӱт?
Сьвятӱйясыд тэнад кӱн?
Оз кывсӱы на йылысь...
Большӱвикӱн муыд тыр,
Чинӱм пыдди чӱжсӱ,
Белӱйяслӱн киссӱӱ пыр –
Воддза олӱм вежсӱӱ.
«Код оз уджав - мед оз сӱй!», -
ӱнъя права шуӱ,-
Озыр йӱзлы, милӱй мой,
Ковмас пырны гуӱ...
Кодӱ пуктас сӱки сись?
Мыйла сідзи узян?
Большӱвиклӱн син оз вись,-
Сӱмын сйӱӱ пузӱӱ...
Поплы нинӱм оз шед дзик,
Норма вылын мырсӱӱ...
Мукӱд попыд - большевик,-
Панӱв ордын шырсӱӱ...

Кытчö воши тэнад бур,-
Озыръясöс лэптöм?..
Озыр гöльöс мед оз пур,-
Юртö он и лэпты!..
Век на юрбитас мед пöль,
Колöкö со кöкöд...
Тэтöг лугтшö олас гöль,-
Важөн вöли сьöкыд.

ИНДУСТРИАЛИЗАЦИЯ ВÖСНА (А.Михин серти)

Тэчöны странаын
Батьяс коммунизм,
Вайö, том йöз, налы
Отсöг сетам ми.

Припев:
А, нолтö, ребята,
Ударнöй бригада!
Отсöг асьыд пай
Индустриялы вай!

Видзöд! Ыджыд вынөн
Уджалö завод:
Мургö сэн машина,
Грымакылö свод.

Припев.

Фабрикыд сырётöг
Унатор оз вöч;
Чукöртам вай, ёртö,
Шыблас кöрт и жöч.
Припев.

Öктысигөн мийö
Ставным öткодь збой:
Сеталöй став лыяс
Да бумага шой.

Припев.

Немтор, кöть и томöсь,
Некод кыв оз вудж:
Нуöдам ми помöдз
Гырысьяслысь удж.

Припев.

Прöйдитны фабзавуч,
Тöдны быд станок,-
Öнъя кадын таöдз
Миян - ыджыд мор.

Припев.

ИЧÖТДЫРСЯ ОЛÖМ

Ичöтдырся олём
Некор дзик оз вун:
Сийö пыр дум вылын -
Оз вун вой и лун.

Сэкса олём бытьтö
Уна войся вöt,-
Шогъяс он и тöдлы,
Медтö кынём пöt.

Муяс вылын тулыс,
Вотан чöскыд куз...

Вёран шонді улын, -
Пёсялёмьд суз.

Гожём шёрын пестан
Видзьяс вылын би;
Купайтчигён вартчан -
Кёсян судзны ді.

Корсян гёна гёньё,
Вотан шомакор;
Шойтан лунысь-лунё, -
Юждан паськыд бор...

Ар кё воас - видзан
Челядь чукөр мёс;
Ньёти он тёд мудзём -
Биё кыскан пес.

Тёвся кёдзыд - нинём:
Лунтыр киад дадь...
Рытын бродва пыран -
Ёна видас бать.

Зіля корсян паччёр,
Босьтан нёданкыв...
Пёрысь пёчлысь мойдём
Он нин помёдз кыв...

Велёдчыны кутан -
Школа ловё горт;
Нига вылысь корсян:
Чибё, сильё, морт...

Кытчё, зарни олём,
Кытчё колин тэ?...
Некор сэтшём пёра

Ог нин адзыв ме...

ЙИ ЧОЙӦД ИСЛАЛӦМ

Ӧшинь улын быд төв
Овлӧ гажа ӧд зэв
Йи-чой вӧчӧма.
Сэні посни том йӧз
Быдлун чукӧрмӧ лӧз
Гажа ворсӧны.
Быдӧн сералӧ сэн,
Юргӧ быттьӧкӧ звӧн,
Челядь гӧлӧсьяс.
Вӧчис Мишуклы бать
Мича краситӧм дадь
Чойкӧд иславны.
Мишук иславны збой:
Кыдзи лӧбзяс, ой-ой,
Маша чойыскӧд.
Маша полӧ на век,
Ӧна чилӧстӧ сэк...
Мишук нюмъялӧ.
Шуӧ чойыслы кыв:
«Кад нин, йӧйукӧ ныв,
Полӧм шыбытны»...

КАГА ВИДӦМ

(збыль)

Пачвом дорын тӧмбыльвидзӧ,
Песласьӧ нывбаба;
Мужик водзас дыр нин видзӧ –
Бурдӧдӧ лӧк кага;

«Эн бӧрд, эн бӧрд, ичӧт нылӧй,

Вичко дорё кая,
Вичко дорысь, дас ур вылө
Сера тютю вая.

Мамыд какаяссё мыськё,
Регыд нёнё сетлас,
Он кё бурась, ёдзёс мышё
Выкинитас вөтлас».

Кага бөрдё, баба нормё,
Легөдчө вор дорын.
Мужик вылө ёна скөрмё:
- Вөрса, менё дорин!

Ме тай шулі тэныд сёысь:
Колі мый нө гөтыр?
Керка тырыд сөмын сёйысь,
Ставыс посныд көтыр...

Мый нө, лешак, вомтө тупкин?
Синмад эськё зурөд!
Потанас коть мед нин пуктін,
Кызди кужан бурөд!

Төдан, шөриа вед кага,
Видзышт ассыд пайтө;
Эн пов, сюра, эн чайт кака,-
Висьтав «люлю-байсө»!

Баба пузис мужик вылө,-
Өддзис пырны зыкө;
Вожасьёма «пеж вор» вылө,
Пидзёс поннас пыкө...

Мужик пыр на кывзис мургөм,
Пытшкас эз кут төрны,

Шуис: «Дыр-ө кывза кургөм?
Мый тэ кутін сөрны?

Ассьыд джынтө бурөд ачыл,
Мед оз бөрд, а ворсас;
Ассьым джынийөс - төда ачым...
Менам - мед и горзас».

КОДИ

I

Небыдик сьөлөма сьылысь,
Омөля ланьтлө - пальөдө шоф:
Бриньөдчө коми йөз йылысь
Долыда сьылө быдсяма ног.
Иванлы сьөлөмө пырө,
Нөдө и мойдө комион теш
Сцена водз серамон тырө...
Аттө жө, сьлөн уджалө плеш.

Ветлис-мунис уна вожөн,
Ичотысянь төв и гожөм,-
Татчө вайис гаж.
Тані лэдзө сьыланкывьяс...
Ошкам сийөс, зоньяс, нывьяс,-
Рытын вөчас гаж.

II

Мелі сьылөм медся бур -
Вермө быдся шөгсө...
Ичмонь дырйи - шылыыд юр,
Энька лоан - ноксьы...
«Шыр да катша» сьылө пөч,
Мөдтор эз и кужлы...

Кулан лунсö тöдö стöч,
Райö кöсйö вуджны...
Аттö, миян коми кыв,
Вöлöм кутшöм лöсьыд:
Ляксяс мелі сьыланкыв,-
Вунö шог и кöдзыд...
Эжва дорын миян вок,
Коми гижысь олö,
Бура тöдö гöльлысь шог:
Пальöдны пö колö.
Эз на дугдыв весиг сутш,
Войтыр понда бöрдö;
Делö олöм, сьöкыд удж
Сьыланкывйö пöртö...
Оз ков вунны: сййö морт,
Первой коми кывйö
Вöчис паськыд зарни борд,
Öнi оз судз сывйöн.

III

Пыр жö нин сьылöны, абу тай шог,
Олöны-вылöны, тöдöны мог:
Перйöны войтырлысь «натурналог»...
Йöй йöзлысь мынтöны «таладор мыж»,
Ассьыныс видзöны небыдик мыш,
Садь юрöн корöны медыджыд ыж.
Дьявöлöс резöны - «колöкö кеж!»
Аслыныс пöръясьны абу и пөж...
Куканьтö нуöны, гургöны меж...
Яндзимыс бырöма - йирöны сöз,
Аддзöны, ёна на пемыдöсь йöз,-
Сöтöны дядьöлысь медбөрря мөс.

КОДЛӨН ПИ?

Абу сөрөм, абу мойдөм
Өти-мөдөс көть и дойдам,
Сэтысь дөзмыны оз ков,
Енмыс шуліс: «Чөв по ов».

Лыдди вичко книга вылысь
Өти тешкодь дядьö йылысь;
Сійö дядьыс век на зон, -
Комын «чөлөс» сылөн дон...

Быд во кувлө, быд во ловзбө, -
Сытөг сылы оз и овсыы,
Ог төд, кутшөм сылөн мыж,
Мыйла сідзсө абу дыш.

Сы моз некодлы не кужны:
Быд во кувны... Либө чужны.
Сійö кутшөм сюсь, ой-ой,
Эз на некор петав шой...

Эг кө вунөдчы ме лыдысь,
Сюрс да өкмыссө кызь витысь
Чужліс сійö ловйөн пыр, -
Со нин кутшөм олө дыр.

Нэмсө служба сылы нуам,
«Сус Кростосөн» нимнас шуам,
Сөмын огө төдө ми,
Кодлөн сійö лоө пи.

Өні сы йылысь, неважөн,
Енэж вылын вөлі гажа,
Вөлі сэтшөм ыджыд вен -
Шензин, тэ кө вөлін сэн.

Быдён видчө сәні «матьён»,
Сус Кростослы пуксьё батьён,
Быдён сувтөдөма син,
Быдён кутө ассьыс чин...

Горзө Саваоп зэв скөрысь:
«Ме пө тані медся пөрысь,
Ме пө, сідзкө, ыджыд мать,
Сус Кростослы лоа бать...»

Сьвятöй дуклы сәки чушис,
Видіс енмөс, кызди кужис:
«Тэ пө, выжыв морт, эн сөр!
Ме пө сөрөм вылө скөр.

Кыз пө лысьтан сідзи шуны,
Паныд Писанньöлы мунны?
Тэ эн вунөд, муса друг,
Марья вылө лэччис дук...»

Сэк арканьдел Гавриилө
Чечыштіс тай вылө-вылө:
«Ме пө пөрьясьны ог куж,
Бура төда ассьым удж.

Öтчыд рытын, ёна сөрөн,
Волі узыны Марья дорө.
Вөлі блаवेशенньö лун,
Некор сійö рыт оз вун.»

Плөтьник Öсип босьтіс книга:
«Ставныдлы пө дуля пига!
Марья мекөд вөлі гоз -
Сідзкө менам Сус Кростос!»

КОМИ МУ БОСЬТЧАС

Коми муын уна олысь,
Бур йӧз пӧвстын уна полысь:
Сэни эмӧсь быдся сорт,
Ӧткымыныс зэв лӧк морт.
Лӧк морт оз мун югыдинӧ,
Кыдзи вермӧ аслань синӧ -
Сылы выль олӧм оз туй,
Тшӧтш и йӧзлы потшӧ туй...
Со республика пӧ кутны
Лоӧ сьӧкыд - оз ков «шутны»,
Коми кыв пӧ миян гӧль,
Йӧзыд дуркӧсь - син ни цель...
Бур йӧз, налысь омӧль мойдӧм
Энӧ кывзӧй, прӧстӧ пойгӧм;
Быдся бурыс миян эм:
Стрӧйба вӧрыд быдмӧ тшем.
Кор республикаыд воссяс,
Вӧлись олӧмыд и босьтчас.
Лоӧ шуда Коми му,
Содас, бурмас видз и му;
Фабрик-завод лоӧ уна,
Воддза олӧм регыд вунас!
Колӧ вежны олан ног,
Коми йӧзлы оз ло шог.
Велӧдчӧм йӧз миян уна,
Сӧмын война вӧлі мунӧ,
Ӧні быдӧн локтас бӧр,
Сӧмын уджав, зӧля вӧр.
Тӧдӧ быдӧн: миян Виттор
Коми кывйӧн гижас быдтор,
Лоӧ сьылӧмыд не важ,
Энӧ шогсьӧй - лоӧ гаж.
Энӧ тӧргӧ, энӧ полӧ,

Ас республикаыд колö:
Олöм бурмас - лоö выль,
Шуад: тайö пö тай збыль.
Огö кутö овны шогөн,
Кутам овны коми ногөн:
Коми зонлы - коми ныв!
Коми йöзлы - коми кыв!

КОММУНИСТЛÖН КУЛÖМ БÖРЫН ОЛÖМЫС

Баллада

/Сьölöмсянь сиа тайöс Нёбдинса Витторлы - коми нумористлы /

«Межадорын кулöма öти коммунист - Давыдов Михайлö Петрович. Сэсся пö öни сийö ... повзöдчö. Тов. Давыдов овлöма комиссияын, кодъяс петкöдлiсны вичкоясысь зарни да зысы тшыгъялысь йöзлы». («Югыд туй», №172, 1922).

Коркö, ёна висьöм бöрын,
Гашкö, самöй съод вой шöрын,
Кули Симö Петыр пи;
Куш ачыс - йöз эз ви.

Сийö пыр жö мöдiс райö...
Зэв кузь поскöд вывлань кайö...
Коркö-й послөн воис пом,
Воис райлөн гажа дом!

Сэни кильчö калич помын -
Ыджыд, ыджыд колькъя томан:
Пырны водзö дзик оз позь -
Сэни абу весиг розь.

Коркöй воис Петыр Павел,
Шуис: «Ак, тэ, Мишка, дявöл!

Тэ кӧ вӧлӧн коммунист -
Тэнад душаыд - нечист!..

Тэныд райын оз позь овны,-
Менам гӧтыр кутас повны...
Тэнад грека лолыд пеж...
Ӧдзӧс шӧрсъыс вешы!Кеж!»...

Миша весиг кыв-мӧд шуны
Эз и вермы, лои мунны;
Эз и аддзыв ӧдзӧс сай,
Кутшӧм сэнӧ гажа рай,

Мӧдӧс бӧрлань. Сэн неылын,
Райӧ каян кузь пос вылын
Паныд лои тӧдса морт,
Мышкас сылӧн сьвятӧй борд.

Мишка шуис: «Тэ, Великӧй!..
Ме ӧд дзикӧдз вои пикӧ...
Менам дело лои дзуг...
Кызкӧ мезды, Сьтӧпа друг!

Нэм чӧж гӧлькӧд ӧтув овлӧ,-
Найӧ пемыдысь эг повлы...
Кызкӧ инды меным туй...
Тэ ӧд верман... Райӧ суй!»

Сэж Сьтепан Великӧй шоча
Шуӧ Симӧ Мишлы воча:
«Ак тэ, вӧрса, большевик!..
Лысьтан вежны сьвятӧй лик?!

Тэ и тшыг йӧз дорыс олӧн?
Сӧдзкӧ, тэ и коркӧ волӧн
Кульны менсьым эзысь пась?..

Бур кө колө - весась тась!..

Тшыгъялысьёс вокөн лыддян...
Налы тэ и гачёс мырддян!..
Кутшөм, зонмө, зырымбедь...
Райө лэдзөм пыдди - плеть!

Локтөма зон ... другө висьтав...
Босьта да со пиньтө кисьта!..
Кытчөдз ризи бөр он сет,
Сэтчөдз...тю...тю...Пет вай!Пет!»

Сэсянь Мишка мөдiс адө.
Мунө дыр нин, мунө рада,
Гашкө, дiнас босьтас чөрт.
Лоө шоныд... Сэн сир чөрт...

Коркө-й воис өдзөс дорө,
Кутiс гольөдчыны гора...
Воссис өдзөс, зиль да зель...
Петiс дядьө, дзик съөд-смоль.

Мишка пырис. Мөдiс водзө...
Регыд воис Ыджыд водзө...
Сэни Гурей Васька эм,
Юда ордысь удждө съөм...

Шуис Ыджыд: «Кывзы, Мишка,
Адын йөзыс сiдз нин лишка...
Коммунистысь оз ло бур:
Регыд чеган менсьым сюр...

Со өд шызыны кутiс татөн, -
Революция нин матын...
Кытысь локтiн - мун жө бөр -
Адын овны тэ он төр!».

Райысь вөтліс Петыр Павел,
Ыстіс адысь сюра дявөл;
Мишка некытчө эз ин...
Зонмө коммунистлөн чин!

Мөдіс бөрлань Межадорө,
Кыті вөрөд, кыті шорөд...
Со и вуджис Сыктыв ю...
Воис аслас съвежөй гу...

Кутіс овны гуыс вылын,-
Мунны гортөдз абу ылын.
Кутіс Грездө мунны пыр;
Мукөд дырйи ветлас дыр...

Өтчылд Өдя Морозова
Мунө рытын Куликовө.
Тувччас вөлі воськов дас, -
Пыр и вөчас пернапас...

Симө Мишка вөлі тешкодь,
Полөм делө сылы веськодь...
Дерт, өд сійө вөлі зон...
Тупыльччас да - лоө пон...

Өдя, кызди вермө, пышйө,
Пон водзвылын гортлань пызйө...
Рыныш бердө зургис плеш...
Пернапасыд вөчис теш!

Өтчылд бара Улля Өдя
Гуяс дорөд мунө беддя...
Мишка нявзө, быттө кань, -
(Сідзи дурліс важысянь) ...

Öдä пöвзис, - «дай бог ноги!»
Öдйö-й пызйис, лети-воли...
Ёна пöвзис Öдä тьöt, -
Мöдысь öткөн оз нин пет.

Öтчыд рытын, «Сөр-горт» туйöd
Ларö Прокор кыскö куйöd.
Мишка сэтшöминад сюсь...
Прöста овны рытыд кузь...

Мыйөн Мишка паныд петис,
Прокор вöвлы плетьөн сетис.
Сэтчö пöри куйöd додь...
Ачыс, дерт нин, пöвзис кодь.

Сидзи Симö Мишка оло,
Войнад уналаö волö...
Дзикöдз нин пö воши лад -
Полысь йöзлы ыджыд мат.

Со öд, коммунистлы дзугыд:
Весиг пöдса мöдар югыд...
Збыль сидз, абу - ме ог тöд...
Гашкö-й, бабаяслөн вöt.

КОНЬÖР

Зэв шога оліс гöль крестьянин,
Эз волы сылы долыд лун;
Эз повлы некор сьöкыд уджысь,
Пыр тільсис-мырсис вой и лун.

Эз жалит некор ассьыс вынсö,
Кöть кöдзыд, пемыд - ставыс шань.
Йöз кодя овны, дерт, эз вермы:
Эз тырмыв сылөн ашшөр нянь.

Удж вылын отсөг вöлі гöтыр,
Эз тöдлы сідзжö шойччан мог.
Дыр висьöм бöрын гöтыр кулі, -
Шог вылö локтö век нин шог.

Сы бöрын сотчис и важ керка,
Мый вöлі – сійöс сотіс би.
Гöль олöм быри, воис помыс...
Став пыдди коли ичöt пи.

А пиыс том на, зэв на ичöt,
Сы помысь зэв на ылын бур...
Ас морöс бердас босьтіс писö,
Да шога, коньöр, öшис юр.

КÖДЗА СЬЫЛАНКЫВ (Роч выысь)

Ударнöй тулыс восьлалö,
Колхозлы вайö мог -
Бур кöйдыс тырмöдз заптыны,
Мед мулы оз ло шог.

Припев:

Ми босьтчам ыджыд вынөн,
Быд вермысь, уджö пет!
Колхозник, дасьт машина!
Ударник, кыпöд öд!

Кулакъяс лёкысь эргöмлы
Ми воча шуам тан:
- «Ог повзьö! Весиг содтöдөн
Ми тыртам кöдзан план!»

Припев.

Збой өдлы он кө эскы тэ -
Туй шөрсьыс вешыы-кеж!
Сьод войсө пörтам лун шөрө, -
Ми выльдам мулысь эж!

Припев.

Быд уджысь коді пышйалө
Да узьö вывтi дыр, -
Ог видзöй сэтшöм лодырöс -
Ми вöтлам пырысь-пыр!

Припев.

Важ пуысь вöчöм гөръяслы
Выль локтысь Эм-Тэ-Эс
Машинаясөн, пугъясөн
Дзик пуктас ыджыд крест.

Припев.

Ми вöтлам мудзöм, нежитчöм, -
Öд уджыс корö ки!
Да öзтам кыпыд ордйысьöм,
Мед ыпъяс сылөн би!

Припев.

Ударнöй тöлысь восьлалө,
Ударнöй тöлысь - май.
Страналы сетны көсйысьö
Бур, ыджыд урожай!

КӨРТТУЙ

Комилөн олөмыс вежсьө, -
Мөдөма вежсьыны збыль!
Важыс да сьөкыдыс вешйө,
Матысмө долыджык, выль.

Төрытөдз, ыліджык вөрөд
Мунлывліс сөмын на лызь...
Талунсянь пармаяс шөрөд
Писькөдчө көрттуйлөн визь.

Өніөдз пыр на ми олім
Ас кежын, ді вылын моз...
Важөн нин, важөн нин колі
Йөзыскөд йитчыны нос!

Көрттуыйд миянөс йитас
Муывьса йөзыскөд тшөтш;
Матысмас Сибыр и Чита,
Бырасны чукыль да көж.

Миянлы ваяс культура,
Оз нин ков виччысьны дыр;
Коми му овмөдчас бура -
Озырлун гөгөрбок тыр.

Му пытшкын быдсяма руда,
Лыдтөм на сулалө вөр...
Водзиас олөмыс шуда,
Сөмын тэ зильджыка вөр.

Партия уджалө: олөм
Кыпөдны лөсьөдіс план.
Уджалысь войтырлөн колө
Бурджыка отсасьны тан.

Петöй тшöтш ордйысьöм вылö!
Ньöбалöй коймöд заём!
Овмöстö кыпöдны, кылад,
Босьтчылöй, пöрысь и том!

Во-мöдөн кöрттуйыд сувтас, -
Котöртас выль паравоз...
Туй дорын шензьыны кутас
Пармаса пашкыра коз.

Комилөн олöмыс вежсьö,-
Мöдöма вежсьыны збыль.
Важыс да сьöкыдыс вешйö,
Матысмö долыджык, выль.

КРАМ ПРАЗДНИК

Миян гажа грездын коркö
Вöли ыджыд праздник - «крам».
Пелькöдiсны бура керка;
Виччысисны лёк и рам.

Аттö, нывбабалөн мырсьöм!
Коли узытöг уна вой...
Сэни мыськасьöм и вурсьöм -
Ёна мудзис налөн сой.

Лöсьöдiсны сёян-юван,
Лоö востöдз вина-сур.
«Крамыд» онас абу уна,
Мед и шедлас кынöм нур.

Висьтала на водзö, энлы...
Рытын кöтiсны нянь шом.

Юрбитісны бура енлы -
Лёсьодчөмлы воис пом.

Со и праздник асыв воис,
Колө кутны «бур ен дум».
Паськөм вежис быдөн нойөс,
Вичкоё сэк, мыйөн «бум».

Лун шөр кежлө служба эштіс,
Керкаясө шөтіс гөсьт.
Батьё пызан мөдөс вештіс.
Өдзөс дзирыйв - сэтшөм пөсь...

Сэсся пызан сайын мөдіс
Сейөм, ювөм, сёрни - бур,
Коді кызди вермө - лөдіс
Медся уна вина-сур.

Өбөд бөрүн ывла ывлө
Быдөн петіс: ныв и зон.
Гудөк бөрвись мөдіс сьылөм,
Ёна увтны кутіс пон.

Рытьявылөдз йөз век соді,
Гөгөр лыбис - «ыджид мать!»
Косьё пырө медся коді?
Быдөн сувтіс - пи и бать.

Гөгөрвоны он и вермы:
Пыр и воши «бур ен дум».
Чегө майөг, коді вермө...
Зэв нин ыджид лои шум.

Вина өддзис, мөдіс шырны,
Позьё шуны: лои «страм».
Кыклы гуё лои пырны...

Со мый вайис «ыджыд крам».

Сэтшөм пектор вөлі важөн
Вайё празьник, муса вок,
Колё овны садя гажөн:
Важсё эновт, мед оз лок!

КЫЙСЬЫСЬ ЗОН (ПАРМАЗОН)

Парма-вёрын олө зон,
Кыйё ур да сьола.
Аслас дінас увтчө пон,
Ылөдз кылө йөла.
Роцца-пармаё оз вош, -
Төдса нин став пуыс.
Мукөд онас шедлө ош,
Шоныд сьлөн куыс.
Арын шедө уна зэв
Зверь да быдса пөтка.
Зонлы гажтөм эз на вөв, -
Мыйла гажтөм пөткө ?
Ордым кузя мича ныв
Зон дінө воывлө.
Нылыд уна сьыланкыв
Пармазонкөд сьывлө.

ЛОВЬЯ ГИРА

(фельетон)

Собрание вылө та мында йөз некор на эз чукөрмыв. Талун кезлө вөлі юөртөма, кутасны пө бөрийны... гираяс, да локталісны быдөн. Пөрысь йөз асывсянь быдөн шыльөдчисны-мольөдчисны да енлы муөдз юрбитісны, мед эськө ен милөсьтөн веськаласны - прөста олігмоз - гира туйын овны. Том йөз быдөн вөччөмөн локталісны, а нывбабаяс сьөрсьыныс став челядьсө тшөтш вайөдісны, оз-ө пө кутны посныд гираяс тшөтш пуктавы.

Комилес складлы гираяс колөм йылысь төдісны нин вежон кымын сайын став Висерыс. Төдөны вөлі - складын вески эм (важ купечлөн зэв ыджыд вески), а гира абу. Көсийлісны весиг вөр лэдзөмсө сы понда сувтөдны, да ладнө кладовщикыс «изобретательнөй» вөлөма: гөгөрвоас чугун гиратө мортөн вежны... Тайө «секретыс» калег йөзнад регыдөн паськаліс став Висер кузяыс. Лэдзөмаөсь вөлі тшөтш сёрни, «гираяслы» пө кутасны сетны ыджыд жалөваннө...

Собраннө вылын бөрийныс председательсө да секретарөс. Кладовщик висьталіс неыджыд речь.

- Оні мян быдлаын режим экономия, - шуө сійө. - Кор позьө вөдитчыны ловья гираөн, нинөмла и чугунсө лөсьөдны. Тайө лоө мян СССР масштабын, гашкө и всемирнөй масштабын, медводдза опыт. Сезоныс кө бура кольө, локтан восянь став чугун гирасө вежлалам ловьясөн да правительстволысь корам тайө изобретеннөсьыс патент.

- Унджык гира колө пуктавы! - горөдісны челядя нывбабаяс.

Кладовщик бара висьталіс, тайө пө мян медводдза опыт на да, таво кезлө лоө лөсьөдлыны сөмын өти ловья гира.

Та бөрын сёрнитісны, кыдзи бурджык гирапусө бөрийны. Кодсюрө вөчисны предложеннө - вөчавны пудьяс.

- Пудйөн бөрийны оз позь,- протестуйтіс кладовщик.- Лоө

бөрйыны весөн, мед эськө тӧдны кутім «гиралысь» сьӧктасӧ, кымын кило кутас кыскыны. То, менам гираяссӧ чукӧртӧма нин, - нндіс чуньнас да сӧсся командуйтіс: - Вайӧ сувталӧй ӧчередьӧ!..

Ӧчередьысь медводдза мортыс весөн эз лӧсяв. Мӧд мортыс вӧлі сулалӧ нывка. Кладовщик сэтчӧ падмис да бара протестуйтіс:

- Нывбабаяссӧ гира туйын вӧдитны оз позь: налӧн сьӧктаыс зӧв ӧна вежласьӧ... Сьӧктасны кӧ, менам зептӧ инмас...

Сэки шыасис ӧти коктӧм морт:

- Вай инӧ менӧ, коктӧм мортӧс, босьтӧй. Тані ме на тӧ ола.

- Инвалидьяссӧ босьтны оз жӧ позь! - горӧдіс кладовщик.

- Миянлы колӧ, мед вӧлі полнӧй механизация, мед гираыс пытш кодь вӧлі - ачыс лэтчӧ и кайӧ вески вылад. Инвалид помсьыд кутшӧм механизация да рационализация вермас лоны?..

Унаӧс веситӧм бӧрын лӧсялан морт сюрис. Роч Опоньлӧн сьӧктаыс буретш лӧсяліс килограмм лыдӧ. Сэки став йӧзыс видзӧдлісны Опонь вылӧ завидьпырысь, со пӧ мортыс кутшӧм шуда вӧлӧма.

- Бӧрйыны бӧрйинныд, - шуис йӧзлы Опонь, - а клеймитны ме ог сетчы. Кӧсьяныд кӧ клеймитны, бӧрйӧй выльӧс.

Кысь нин сӧні выльӧс бӧрйыны, муртса нин сюрис да. Сідзи Роч Опонь тӧвбыд гира туйын и оліс. Первойсӧ йӧзлы вӧлі зӧв тешкодь кажитчӧ, а сӧсся велалісны да - нинӧм. Бӧрынджык йӧзыс сюсьмисны да, кор Опоньыд шоныдджыка пасьтасьӧма (паркаӧн либӧ тулупӧн), сэки и мунӧны складӧ ньӧбасьны. Мукӧддырйи вӧлі вермасны вӧр лӧдзӧмысь нянь босьтны волены да. Опонь кӧ паськӧмсӧ мыйкӧ понда пӧрчӧма, бӧр тыртӧгыс локтасны.

Ӧти тьӧтка вӧлӧм нывсӧ велӧдӧ:

- Тарыт, нылӧ, аддзӧдлы Роч Опоньтӧ да меліджыка бергав, мед аски, ньӧбасигкежлад, топыдджыка пасьтасяс.

Бӧрас, велалісны да, килоӧн пыдди няньтӧ «Опонь» лыдӧн и вӧлі ньӧбалӧны:

- Кымын «опонь» няньтӧ ньӧбин?

- Куим «опонь».

Тадзи Роч Опонь служитис Комилеслы «гирао» төвбыд. Кор шоныд паськөма, кор и дөрөм кежсьыс.

Режим экономия, рационализация да механизация - полнөй. Америкаын татшөм изобретеньёыс абу на. Кладовщикыс «пустаки» жö абу судзьсöма - сöмын кыксё шайт гөгөр.

1929

ЛÖГЫСЬ

(ссыланкыв, кывъясыс Сикорскаялөн)

1.

Кеж, кеж, кеж, вай кеж!
Тиянлы - сьмерт, палачьяс!
Мирын Ванцетти некор оз вун,-
Со гольскö чеп,
Шыыс ён,-
Рабочöй, тышкö мун!

2.

Кеж, кеж, кеж, вай кеж!
Тиянлысь босьтам водзöс!
Чорыд расправа вöчалад ти -
Со гольскö чеп,
Шыыс ён,
Но вермас вына ки!

3.

Кеж, кеж, кеж, вай кеж!
Пурсьöны лёк фашистьяс.
Венгерöс пöдтö чорыд террор, -
Со гольскö чеп,
Шыыс ён,-
Вай мечтö бурöс дор!

4.

Кеж, кеж, кеж, выай кеж!
Тюрмалысь кисьтам сътеньяс!
Тырёма часыд тэнад, банкир, -
Со гольскö чеп,
Шыыс ён,-
И кыпöдчö став мир.

5.

Кеж, кеж, кеж, вай кеж!
Индия жуглö чепьяс,
Власьтсö Китяйын босьтö Сöвет, -
Со разьсьö чеп,
Шыыс ён, -
Рабочöй, тышкö пет!

МИЯН ГРЕЗДСА «КАМИТЕТ»

Сэтшöм пöра воис,
Мый му вылын йöз,
Ассьыс няньсö сёйис
И... голяас - гез...

Дзикöдз эськö öшис
Сэтшöм пекля гöль,
Эз кö босьтчы ачыс
Югдöдны син-пель.

Тадзи кö, пö, овны,
Сöмын озыр пöт.
Вöчам, мед не кувны,
«Беднэй камитет».

Камитет вот эм нын,-
Председатель - Трöш,

Позьö шуны енмён -
Лёсьыд сылён тош.

Игö Ёгор - стөрöж,
Куйлö лунысь-лун,
Олö быттьö Дөрöш,
Некытчö оз мун.

Люба Петыр вомнас
«Ойра» ворсö пыр,
Ачыс, кöть и том на,
Асыв узьö дыр...

МИЯН ЛИТЕРАТУРА

Миян литература,
Öти-кö,
Гажöдö-велöдö бурö;
Мöд-кö,
Кодьяслён вежöрыс дзöля -
Аслыныс сетöны вöля, -
Сэтшöмсö веськыда пурö.
Босьтам кöть головотяпöс,
Мичаöс, тшапöс, -
Сэтшöмсö литература
Паныдён малалö юрöд.
Волокитчик унаысь шедлö,
Разгильдяй эрд вылö петлö
Паськыд бюрократьяс,
Мукöд пöлöс гадьяс, -
Быдёнлы неуна сюрö -
Инмö литература.
Мукöдыс казённöй сьöмьяс
Таргайтö, кöдзö:
Лёсьöдö пасьяс да кöмьяс,

Картіён лэдзё, -
Сэтшомсё литература
Корсялё жура,
Петкөдө эрдө,
Законьяс бердө,
Сэсся прокуратура
«Вурё»...

МИЯН СЪЫЛАНКЫВ
(Болотин серти)

1.

Ми, сиктса, карса челядь, мунам водзын
Да мукөдөс тшөтш кыскам. Радным тыр.
Мөд пятилетка тыртөм вөсна косьө:
Мед быдөн дась! - «Ми дасьөсь пыр!»
Ми кыпөдлім соцордйысьөмын өдьяс,
Бригада уджын быдөн пунктим вын,
Дай врагөс пыр ми аддим сюся, өдйө, -
Оз некор ылөд миян веськыд син.
Важ сімөм көртьяс - враг!
Вичкояс, крестьяс - враг!
Йөзлөн пемыдлун - враг, враг, враг!
Три-ки-ти-ки-ти, трак! (кыкысь)

2.

Ми көть и томось, уджсьыс огө полө,
Став йөзкөд радысь стрөитам виль мир.
Ми шуам: тэчны коммунизм - виль олөм
Мед быдөн дась! - «Ми дасьөсь пыр!»
Важ мирсө дзикөдз колө сотны биён,
А вильөс дорны - миян ставлөн мог.
Став мусө кытшовтам ми, уджлөн пиян,
И быдлаын эм сэні чой да вок.

Гöльяслөн челядь - вок!
Краснöйлөн фронтъяс - вок!
Быд комсомолеч - вок, вок, вок!
Три-ки-ти-ки-ти, трак! (кыкысь).

ОКТАБРЁНОКЪЯСЛӨН МАРШ (Сикорская серти)

Зумыд маршын миян вын,
Вермам сэк буржуйöс.
Доръям öтув оланін,
Фабрикъяс да муяс.

Припев:
Раз, два! Раз, два!
Фабрикъяс да муяс!

Барабанщик, тэ эн узь -
Ворсöм шы мед кылö;
Петны тышö быдөн сюсь,
Батьлы отсöг вылö.

Припев:
Раз, два! Раз, два!
Батьлы отсöг вылö!

Быдмам, ёнмам лунысь-лун,
Кытшовтам му шарсö:
Тышкö петан мог оз вун -
Петам дружнöй маршөн.

Припев:
Раз, два! Раз, два!
Петам дружнöй маршөн!

Төдө мян гажа хор
Съыланкывъяс уна,
А трубач мед ворсө сбор –
Ми походө мунам.

Припев:
Раз, два! Раз, два!
Ми походө мунам!

ОКТЯБРЛӨН ТУЙ

Сьөкыда овлісны
Голь йөзыд войдөр,
Биысь моз повлісны
Озырысь нэм.

Гольястө личкаліс,
Нартитысь войтыр,
Быдногөн тычкыліс
На пытшкысь вем.

Рабочой шырзылыс
Көртъяс и пуяс, -
Заводын мырсьыліс
Кодлы - оз төд.

Помещик кабырын
Вөліны муяс, -
Кызди нө та бөрын
Лоан тэ пөт?

Гөгөрбок жөдзисны
Быдсяма врагъяс,
Пемыдлун көдзисны -
Мойдісны «грек».

Гөлясөс йирисны
Нидзув кодь гагъяс,
Отарө зырисны
Топодны век.

Скөтөс моз нулісны
Войнаяс вылө,
«Пукты пө, - шулісны, -
Сар понда юр».

Асьныс тай кольчисны
Пыдөджык «тылө».
Небось тай польчисны -
Көвтисны бур.

Милльонөн усисны
Кось вылын вокъяс...
Кутіс сэк пузыны
Ловъялөн вир.

Тшыг йөзлөн мудзисны
Кияс и кокъяс,
Подувьяс судзисны
Колө нин мир.

Гөгөрбок корсисны,
Коді тан мыжа, -
Сьблөмнас чорзисны,
Паськаліс син.

Вөлөмкө, властьясыс
Пырөны тышө -
Корсьөны дасьясөс
Ыджыджык чин.

Февральын «пыртисны»
Столица карос, -
Шойясон тыртисны
Ветлөдлан туй.

Эз и дыр бөрийны,
Чужтисны сарос,
Көсийсны перийны
Олөмлы туй.

Бара на дзугсисны -
Сувтисны джынъяс:
Сар пыдди пуксисны
Озыр да князь.

Керенскöй вöчаліс
Ас ногыс чинъяс -
Бара на лөсяліс
Озырлы мазь.

Война эз дугөдны,
Олөм эз вежсы,
Карьясөс жугөдны
Эз на ло шань.

Крестьяна колины
Көсийсыөм кежсыыс:
Во джынсө коллыны
Оз тырмы нянь.

Йөз пөвстысь петисны
Вежөра войтыр,
Йөзыслы сетисны
Сьөлөм да вын.

Кодьяс зэв лышкыда

Овлісны войдөр,
Найөөс «чышкытөг»
Некыдз он мын.

Октябрын вермисны
Вунөдны полөм,
Враг вылө скөрмисны
Пөрысь и том.

Путкыльтчис, пазалі
Важся лёк олөм,
Сьөд кымөр разалі,
Разсис көрт дом.

Водзиыс югдөма -
Веськыда мунам.
Олөмө пуктөма
Стрөйтчан из.

Сө - Сө - Рө пасьтала
Дорам коммуна -
Быдмө да паськалө
Социализм.

ОКТАБРЬ

Тэ, Октябрь, Октябрь, Октябрь,
Гөль йөз костын - Ыджыд лун!
Тэнө пыдди пуктө «раб»...
Тэ, Октябрь, пыр водзө мун,
Пемыд инө,
Гөль йөз динө!

Вит во сайын вөлі кад:
Роч му вылө уси пуд;

Сэни вежсис олан лад -
Дырөн воис тэнад шуд,
Ёна дырөн
Уна вирён.
Тэнад властыд өні көрт,
Ёна ыджыд сылөн вын.
Тэнад знамя югыдгөрд -
Озыр йөзлысь ёрө син...
Сійө вылын,
Роч му вылын.

Тэнад зэв нин ыджыд шы:
Быд йөз костын - төдан тор...
Гөгөр гызис... содө гы
Саридз сайын пом ни дор...
Сэн ас костас
Мунө косьяс.

Озыр йөзысь тэ эн пов,
Найө видөны кө - мед!
Гөльяс, «рабьяс» понда ов,
Налысь дугдывтөг пыр төд
Сьөкыд олөм
Ёна полөм...

Тэ, Октябрь, мун водзө пыр
Аслад туйөд! Сэсь эн кеж!
Паськыд му гөль йөзөн тыр,
Ыджыд выннад налысь веж
Оланногсө
Курыд шогсө.

ӨНЮК (Өньук)

(гижöма емваса кывйöн)

Коми литература кыв пыдди босьтöма Сыктывдін кар гөгöрса сёрни. Сы йылысь мунöны спорьяс, и унаысь гижлісны газетö. Кодсюрö шуöны, колі пö литература кыв пыдди босьтны Емваса сёрни и ещö мукöдлаысь. Ме ногөн кö, медся паськыд, гөгöрвоана и кокни сёрни кар гөгöрын. Емваса сёрни гөгöрвоана сöмын Емва вылын. Сы понда и гижöма тайö «Өньуксö», мед тöдласны эжваса да сыктывса йöз, кутшöм Емваас сёрниыс. Ёна гөгöрвотöм кывьяссö висьталöма улысас. Лыддысьяс, энö менö дивитöй: тайö стикас абу сөрöма, ни абу поньясьöма - сэтшöм сэнi сёрни.

Тöвся кöдзыд асыв.
Шондi йөгзьö*. Лöнь.
Гажа лой «расув», -
Садьмис дзöля* Öнь.
Муніс Емва вылö
Тютылы* пуктіс дзуг;
Сабриö*, не ылö
Ланьтіс Öньö кук...
Öньлы шондi югöр
Йогзис бура дыр...
Тютьяс ыджыд чукар
Белöг вылö - «жбыр-р-р!»
Чеччис Öньö пиö, -
Выйим* дзугйын тюты:
Голи діныс йиа*,
Гöрд морöса чуть...
-«Кутшöм мича борда,
Кутшöм мича юр...

Тайö нуа гортö-
Мамöлы эмбур»
Гöрд морöса тютьöс
Мамлы нуис пи.
-«Тэ, тай, Öньюк, чудес!
Йöгаланö* пи!..
Кудзик нö ин кынмы?
Инлы, пуктам щай...
Ёнмы, Öнью, вынмы,
Нöшта* тютьтö вай.
Пышйав*, пиö, яра,
Чöжам яй и гөн;
Нуам Сыктывкарö,
Ньюбöны пö сэн.

Йöгдзö - ворсö, вералö.

Дзоля - ичöт.

Тють - кай.

Сабри - зорöд.

Выйим - эм.

Йи - вöнь.

«Йöгаланö пи» - ошкан кыв, кыдзи шуам: «зарни пи», «сё шайт».

Нöшта - ешицö.

Пышйав - котрав.

ÖТИ НЫВЛЫ

Сьюлöмсянь – Анюталы...

Ёна ветлі Коми мути,
Уна аддзывлі ме ань,
Уна нылöс тöдны кути,
Некод абу тэ кодь шань!

Кор тэ меным паныд лоин,
Кор ме тэнö эг на төд, -
Мем тэ сьөлөм вылө воин,
Сэк ме вежси, лои мөд.

Тэныд висьтала, бур нылöй,
Сэкса нь воши менам вын,
Долыд олөм пышйис ылө,
Ачым некытчө ог ин.

Кор ме водөм бөрын узя,
Вөтөн аддза тэнö пыр.
Сэки сьөлөм менам пузьö,
Садьма - шогся сэсса дыр.

Кор ме прөстджык, думөн ёна
Йитла ассьым «чегөм борд»...
Зэв тэ, нылöй, меным дона,
Сьөлөмшөрöй, зарни морт.

Талун бөрын локтö аски,
Аски бөрын - бара лун...
Думтö сътен бердö он ляскы,
Муса нылыд оз нин вун!

ӨТУВЪЯ УДЖ

Кывзы жö, кывзы,
Уджалысь вок:
Уджавны өткөн
Сьökыд и шог.

Быдсяма уджын
Өткаыд - джын, -
Быдлаö колö

Кык мында вын.

Страднаяс дырйи
Талялө удж,
Он көть и эштыв
Шойччыны сутш.

Чеччан да гортад
Уджъясыд тыр, -
Асылыд тэнад
Нюжалө дыр.

Быдөнлы кольö
Асылыд тадз:
Мунтöдзыд колö
Ваймöдны пач,

Лöсьöдны сёян,
Идравны скöt...
Удж вылад он на
Регыдөн пет!

Мунан да, уджыд
Эштіс көть, эз,
Бара нин тэрмась
Вайöдны мös.

Сэсся со бара,
Челядь кө эм,
На весьтö лишнöй
Муныштö сьом:

Челядьöн кольны
Некодлы горт, -
На дінö ковмас
Лöсьöдны морт.

Кутшөм нө пөльза
Виччысян сэк?..
Өткэлөн овмөс
Татшөми век.

Буретш ме татчө
Висьтала кыв:
Олөмтө вежны
Эм коллектив.

Дерт өд, и сэни
Уджыд оз быр, -
Ставыс оз вежсы
Пырысьтөм-пыр;

Велавтөм вөсна
Мукөдлы дзык
Кажитчас делө
Во либө кык.

Медводдза воысь
Повны оз ков, -
Он на өд сөмын
Сы дыра ов.

Өтувйөн овны
Эз кө вөв бур,
Эз эськө-й сэни
Олысьыс сюр.

Көть и кулакъяс
Кутөны лөг,
Уна «Гигантьяс»
Быдмөны век.

Ярмөм кулаккөд
Нуодам тыш, -
Отувтчөм сылысь
Чегьялас гыж.

Көні мужиклөн
Жуявліс сөн,
Трактор, машина
Уджалө сэн.

Нель воён тыртам
Вит вося план -
Трактор, машина
Лоо и тан.

Куган кө видзны
Отувйөн скөт,
Сэні нин лоо
Олөмыд мөд.

Оз нин кут ковны
Ваймөдны пач,-
Важөн пө, шуад,
Колөма тадз.

Челядьлы ясли
Восьтөма дась...
Аддзад-ө өні,
Мый артмө тась?

Мыйтта сэк прөстмас
Уджалан вын!
Пөльзаыс оз өд
Буракө чин!..

Уджын машина

Кыподас өд, -
Кокньыдик уджөн
Лоан тэ пөт.

Гажа колхозын
Вунодан важ, -
Сьёкыдсё вежас
Серам да гаж.

Кывзы жö, кывзы,
Уджалысь вок:
Уджавны öткөн
Сьёкыд и шог.

Кык мында сетö
Öтувья удж, -
Öтувья уджас
Öдйöнджык вудж!

ПЕРВОЙ МАЙ

Война быри. Шы ни төв.
Оз нин кывсы чорыд гым.
Эгö тöдлö, коли төв
Воис тулыс - воши лым
Сыліс.
Собор улын паськыд ва,
Льöм пу йылын дзольгö кай,
Кöчьяс сьылöны «ла-ла»...
Воис праздник «Первой май»
Ылысь.
Тайö праздник, кöть и важ,
Эз на волы татшöм лун;
Некор вöчны вöлі гаж;
Вöлі война, эз на вун

Юрысь.

Сизим во чөж муні кось -
Йөзлөн пыр на киссис вир...

Озыр кутшөм вөлі ёсь,
Век жө вөчны лои мир

Бурысь.

Таво косьлы воис пом,
Өні абу сійө шог;

Быдөн пөрысь йөз и том
Талун гажлы вөчас мог -

Сьылас.

Кыдзи вөрыд миян лөз,

Мыйта, дивө, сэні пу,

Сідз жө му вылын гөль йөз,

Сымда йөзөс кутө му

Вылас.

Налөн мунө өти дум.

Кыдзи вежны олантуй...

Налы пыр на озыр кум

Празьникъяслы потшис туй

Нырнас.

Таво кыдзи быри кось,

Быдөн корсьны кутас бур;

Кутны сымдаөс оз позь,

Сымда йөзлысь вом он вур

Тырмас!

Мича кайяс, сьылөй гаж!

Вөчөй вокьяслы бур пуд...

Налысь вежөй олөм важ...

Сьылөй шонді улын шуд,

Сьылөй!

Гажа празьник - Первой май!

Тэнө төдө паськыд му...

Ёнджыка сьыв, гора кай!

Йөзлы юөр бурөс ну,

Ылө!

ПЕРЪЯМ ТЫР ПОБЕДА
(Вөрлэдзысь ударникъяслөн марш)

Пыр вишкө миян вылө враг,-
Ми важөн сійос төдам,
И сымын ёна юргө яг,
Ми перйам тыр победа.

Припев:
Туй шөрсьыс кеж! Туй шөрсьыс кеж!
Ми некор огө пойгө.
Пыр водзө вежө мулысь эж
Союзлөн ыджыд стройка.

Быд арын төдам ыджыд мог -
Мед вөрө петны кадын.
А вөрын некор абу шог,
Кор уджалө бригада.

Припев.

Ми уна лэдзлім гырысь вөр,
Дай кутам лэдзны водзө.
И камгө миян уклад чер;
Выль планьяс босьтам воча.

Припев.

Оз пежась миян дона ним,
Страналы зарни сетам.
И кытчөдз вөрын олас лым,
Ми гортө огө петө.

Припев.

Ударной уджлөн од оз чин,
Дай огө вочө бракос.
Быд керйөн ёнмө мян вын -
Быд керйөн кучкам врагос.

ПЕЧАТЬ

Му вылын абу сэтшөм оружйө -
Чорыд да лэчыл, кутшөм печать.
Ачыс печатъыс - пыдысянь вужья,
Вужйыслөн уна паськалө прать.

Гижысь-поэтьяс, гижысьяс-корьяс...
Армия дзоньён уджалө пыр,
Тайө печатъыс бурьясё дорйө,
Лёкьясё жуглө, - чегьялө ныр.

Нига, газет, - став литература
Индалө туйяс, восьталө син;
Велөдө овны лючки да бура, -
Тайө печатълөн - зэв ыджыд вын.

Тайө печатъыс - лечитысь доктор,
Рөмпөштан либө бур микроскоп:
Корсялө, аддзө быдсяма лектор,
Петкөдө ставсё эрд вылө - клоп.

Кодкө кө уджнас чукльөдлө-чотө,
Оз кө законсё олөмө пөрт, -
Сэтшөмсё биён дзижалө, сотө, -
Тайө печатъыс - донөдөм көрт.

Олөмсьыс пежсё весалө, чышкө, -
Тайө печатъыс - сутуга рос;

Чуксалё сувтны врагъяскөд тышкё,
Сооиализмё нюжөдө пос.

ПОСНИ ЧЕЛЯДЬЛӨН СЫЛАНКЫВ

Ми, посни, еджыд лым чирьяс,
Ми лэбалім нин дыр;
Зэв кокныдось ми, гөн кодьось,
Зэв көдзыдось ми пыр.

То, тайё рудов кымөрыс,
Пыр вөлі миян горт,
Сэсь лэччим сэся му вылө,
Мед шойччас мудзём борд.

Тан водны косьям узьыштны
Да дзугө злөдей-төв:
Пыр шувгө сійө, шутьлялө,
Оз некор овлы чөв.

Кыз миянөс тай чукөртлас,
Кыз паськөдас тай бөр,
Сэк кыпөдлас да гартыштлас...
Со кутшөм сійө скөр.

ПӨЖАР БӨРЫН

Обкомвнудел сотчөм бөрын
Ёна висьталёны вөтьяс
да муно уна сёрни.

Пөжар бөрын уна шог,-
Быдся шоглы овлө пом...
Пөрысь йөзлөн уна ног

Өні зіля вөрө вом,
Адöй!..

Кыдзи налөн кынөм пөт,
Паччөр дорын уна вой,
Быдөн аддзылөма вөт
Пөжар водзө, ой-ой-ой...
Матöй!..

Уна вөтлөн ыджыд шы -
Уна йөзөс кутө шен;
Коді кывліс кызөм шы,
Сійө висьгалө нин звөн...
Төрас!..

Сёрни регыдөн оз быр -
Сылөн вывті паськыд борд,
Мортысь мортө мунас дыр,
Ёна увгас пөрысь морт,-
Сөрас:

Со, пө, енянь лои дзик
Миян карын татшөм рөк:
Мыйла пырис большевик
Управаө, пернатөг,
Лешöй!..

Кодлы шог, а кодлы теш:
Дорысьяслөн пельөдз вом...
Локтө вөла - бокө кеж!
Кузнечаө локтө шом...
Тешöй!..

Вөліны, пө, пөжар чөж
Вөла войтыр, вывті лөк...
Кузь нагайка, быттьө пөш,

Шонтіс кодъяслысь кӧ бок,
Шаня.

Со, пӧ, сідзжӧ, мукӧд моз
Сюрліс Паня Чеусов:
Мышкас лыддяс сизим гоз,-
Ӧдва пӧ и нуас лов...
Паня!...

26.01.22.

ПӦСЬ ПЫВСЯН

Пывсян йылысь уна тӧда,
Коркӧ ӧтчюд тайкӧ пӧда
Ичӧт дырйи ме

Пывсян вӧлі лунысь лунӧ,
Мамыд сьӧрсьыс пыр нин нуӧ,
Век кӧть горзы тӧ.

Талун миян, аски мӧдлӧн...
Мед тӧ пывсян, кӧть нин кодлӧн,
Быд лун петӧ тшын...

Баба чукӧр сэтчӧ зільӧсь,
Каждӧй неделъ корӧсь выльыс...
Эм тай налӧн вын...

-«Матрен тьӧтка, Дарья, Ӧдя,
Пывсян ломті - чӧскыд ӧдья...
Он кӧ локтӧ - ньӧр!»

Миян дінын сэтшӧм мода,
Баба шӧтас - ме нин тӧда,-
Пуксьыны он тӧр.

- «Наталь ичинь, өдсө койышт!
Коді бөрдө, горьяс тойышт,-
Сэти сылы туй...

Кунва уна - юртө мыськө,
Пывсьөй ёна, мыштө кырсьөй,
Коскад эд оз суй...

Вася, юрйывсө тэ тупкы...»
- «Ойя, сотө... мамө, дугды...»
-«Он-ө ешшө бөрд!

Сідзи ёна пывсьөм бөрын,
Ичөт мортыд муртса вөран,
Яйыд би кодь гөрд.
Кулясны кор өти-мөдөс,
Сёрни-басни налөн мөдас -
Варовмасны пыр.

Мукөд баба джоджө водас,
Сэсся гөлөс налөн содас...
Сёрнитасны дыр...
Өти шувө: - «Тавой вөтөн
Мырси мисьтөм сюра сөтөн,
Чужөмыс дзик са...

Кызкө эз өд вермы виныс,
Сэсся вөтыд пыр и иніс:
Садьми - бокөй... ва»

- «Ыджыд виддзыс таво кузь-ө?
- Тонө Наталляыс узьө...
Аттө, коньөр морт!

- «Ыджыд луныс кутшөм лунө?»
Пөрысьыдлөн пыр и вунө,

Колө гу да горт...

- «Кывзы, моньыд толькө кулі,
Тöрыт питө гозйөн сулі...
Коркө сійөс кый!»

- «Корасьö пö Стакöй Петыр,
Сылы мый нö колö гöтыр?!»
- «Миянлы нö мый!»

- «Сійö мый на, ме вот тöда:
Öльöш гöтыр пиөн рöда -
Вайис витöд пи...

Енлы кевмö, енмыс сетö,
Мужик прамöй - кынöм пöтö,
Сідз кö эськö ми...»

- «Дашкö, чайтад, меным любö?
Öтчыд каститчис кызд буба...
Воча ки ме - швач!

Сідз пö колö, шуліс тöдысь...
Буба вöлөм полысь рöдысь-
Котöртис без гач...»

- «Енма муын быдтор овлö:
Митрей пывсянысь пö повны,
Повны колö нэм;

Сэтысь казялöма уна
Пасьтöм мортöс дзик вед луна...
Гажтöмыд сэн эм...»

-«А со кывзöй менсьым сэсса,
Тöрыт висьталіс Педöсса,

Чурка Тима ныв,-

Кутшөмкө пö странник ветлө,
Бабаяслысь шева вөтлө -
Лыддьö бур нимкыв

Кодсюрöлысь чаньяс кодзö,
Олöм йылысь тöдö водзö...
Паськöмыс пö ку...

Му вежöм пö, шувö, матын...
Илля луныд дзик нин татöн,-
Сэк пö вежас му...

Антикрис т пö вед нин ловья...
Оз тай тшöкмун, вежа войя...
Синмас эськö тув.

- «Сідзкö, збыль жö... Ме тай шулі...
Шонді ветлө таво улі...
Он öд со и кув.»

- «Мöскыд кукьясис нин, Пекла?»
- «Чöv тэ, тыртöм сійö век на:
Ылөдліс выль сват...»

- «Он тай кинад сійöс кöлышт...
Миян чипан вайö гöлыш,
Гөгöрбок сё мат.»

- «Мыйкö тай нö юрöй висьö...
- «Муналам вай, энö усьö,
Кольмöмыд эд лёк...

- «Ыджыд аттьö, Зөтиковна,
Ен тэд сетас дырджык овны...

Рытӧ пукны лок...»

Со, и пывсян. Мыйяс кывлі -
Медбур сёрни баба-нывлӧн
Менам оз вун нэм.

Сёрнитісны унатор на:
Адтӧ, райтӧ, дӧра пона...
Юраныс мый эм.

РӦШТВО ДЫРЙИ КАРЫН (Казьтылӧм)

Рӧштво «куття» лунӧ гажа -
Локтӧ ыджыд празник...
Миян попным, кызди-й важӧн,
Вурис выль пӧдрясьник...
Туйяс вылын йозыд ызгӧ,
Жӧдзӧ том и пӧрысь;
Мукӧд «ёлка» даддӧн кыскӧ
Челядыслы вӧрысь.
Быдӧн нюмъялӧны вомнас,
Быдӧнлы сэк долыд...
Татшӧм празник ӧти вонас
Кыкысь ӧд оз волы.
Сійӧн со и томджык войтыр
Виччысисны рытсӧ -
(Колӧ пӧрысь йӧзысь вайдӧр
Сейны яя шыдсӧ...)
Рытын, воддза лунся мозыс,
Лектричество ломзис -
Том войтырлӧн Суе Крестосыс
Пыр и чужис-ловзис...
Сэк Гимназия, Нардомӧ
Быдӧн локтис, пырис;

Паськыд жырйыс, помысь-помо,
Том войтырөн тырис.
Сэни, гажа спектак бөрын,
Вөлі сьылөм, йөктөм;
Быдөн йөктіс зала шөрын,
Эз ков мырдөн тшөктөм.
Гажа, гажа вөлі ворсөм,
Кыссис вой шөр бөрөдз...
Со нин петук кылө горзө:
«Садьмөй, коді пөрысь!»
Со нин воссис вичко өдзөс,
Жыннян бовгө гора, -
Век на, важ моз, пемыд йөзөс
Затренняө корө.
Вичкоө сэк пөрысь войтыр
Туйяс вылөд «люзьгө», -
Ворсанінысь том йөз котыр
Налы паныд гузыгө...
Важөн вичко вөлі тырлө,
Локтө йөзыд уна;
Поплөн докод оз и бырлы, -
Содө лунысь-луно.
Өні вичко ветлөм могтө
Кресталісны шомөн,
Сөмын пөрысь йөзыд локтө,
Зэв нин кызь вит-комын.
Сы понда и миян попыд
Йөзлы кутіс кайтны:
«Ми воклы пө лои топыд,
Тадзи пө эг чайтлы»...
Коді вичко гажөн олө,
Коді сэтчө шлөнгис,
Сылы гажыс эз и лолы,
Сөмын юрнас клөнгис...
Кысь нин коньөрьяслы йөктөм -
Вичко шөрын ворсөм...

Сомын вöлі пельлы съöктöд -
Öти пöлöс горзöм...
Сійö ладнö. Кывзöй водзö!
Вичкоын кор сывсис,
Славитны сэк вöлі позьö
Рöштво праздник йивсьыс.
Котралöны посни войтыр,
Оз нин повны енсьыд, -
Пырöм бöрын, сывтöдз вöйдөр,
Юалöны тэнсьыд:
«Со пö, меным, Ладимерлы,
Висьтав по совести:
По-поповски колö сөрны,
Али по-советски?»...
Ёна жö нин челядь пиян,
Сэтшöм кывйыд любö...
Вичко пыдди колö тьян
Гажöдчыны клубын...
«Рождество» сыввлісны вöйдөр,
Öні вежсис олöм:
«... Чеччы, ёрöм-дорöм войтыр!»
Славитнытö колö.
Сійö бара шуам ладнö...
Рöштво асыв коли;
Видзöдан да лун шөр кадö
Люзьялöны нельöн.
Дерт, öд найö дякьяс-попьяс,
Морттö пыр и тöдан, -
Босьтöмаöсь гырысь нопьяс
Мышканыс гоз-мöдön.
Керкаясын «тырлы-бырлы»
Сьылöны век морьяс;
Медся радейтöны пырны
Кöні пöрысь-дзорьяс...
Онö либö найöс ылöд,
Тöдасны тай лёка:

Мукөд керка дінысь ылө
Чукыльтасны бокө...
«Татчө пырны пө ми полам-
Коммунистлөн керка...
Эстөн бара сэтшөм олө
Комсомолка Верка»...
Сідзи найө полөмсорөн,
Котралісны рытөдз;
Өктысисны зэв нин сёрөн -
Рытья кыа быртөдз.
Рыгнас Кырувса ныв-зонлөн
Клубын мөдіс гажыс,
Сөмын кодьясөскө, зонмө,
Век на кыскө важыс.
Ывла вылын кутіс лөкысь
Кывны вучка-вачка:
Кодкө мөдлы кылө бокас
Лөсьыда и швачкө...
Клубын повзьөмаөсь челядь,
Мукөд бөрдзис «ойөн»...
Сэки пырасны көть тшеляд.
Көні мый пө-й лои...
Вөдөм ывла вылас, сэні
Көкулькарса зоньяс
Кырувсакөд пуркөдчөны,
Бытьё пурсьысь поньяс...
Өнъя дырйи сэтшөм дурөм
Абу жө нин лөсьыд;
Колө гажөдчыны бурөн,
Мед оз дивит пөчыд.
Колө гажөдчыны ёна,
Оз ков пырны косьө,-
Бура олөм медся дона,
Сідзи овны позьө!

САЛДАТ СЫЛАНКЫВ
(Съывсьö «Гечёт речка по песку» ногөн)

Кыдзи миян Сыктывкарын
Петкөдчыліс Латкин-барин,
Бур...
Мукөд радла уна пуис
Самөкур да ыджыд туис
Сур.
Прокушов на дорö кежис,
Сэсся Латкин пыр и вежис
Ласьт...
Гөльöс күтіс лёкысь пыкны...
Сіджө воис большевиклы
Страсть...
Гөгөр звөнитöны, кылö
Пöрысь йөзкөд гора съылö
Поп...
Кодкө лавка бшинь вартіс, -
Сатинысь да нойысь гартіс
Ноп...
Регыд барин вина бучкис, -
Эз и төдлы, быттö кучкис
Ньөр...
Прөстө сылөн волөм лои
Красной права карö воис
Бөр...
Огö сэтшөм йөзысь полö,
Сөмын миян вылö волöй
Ті!...
Кодыр ковмас - мунам ылö,
Буржуй дорö война вылö
Ми...
Мый ті, нывъяс, сэтшөм чөлөсь?
Сыланкывйыд уна пөлөс

Эм...
Морос шорын сёлөм йөктө...
Мича нывъяс, кытшөн йөктөй
Мем!
Том салдатос босытөй шорас,
Кокыс сылөн зіля ворас-
Том...
Окасьны салдаткөд колө:
Тіян оз быр – век на кольө
Вом...

САЛДАТ СЫЛАНКЫВ
(Ногыс «При лужке, лужке, лужке...»).

Ставным вөлім мамлөн пи...
Төдлім уна шогъяс.
Шогысь огө полө ми,
Уджалысь бур вокъяс.
Песіс «православной» сар,
Ёна лои мудзны:
Уна сюрліс пемыд ар
Ывла ылын узыны.
Өні воссис гөльлы туй -
Восьтім уна вирөн;
Сөмын век на лёк буржуй,
Век на пиньсө йирө.
Важся сылы көть и жаль -
Кулөмөс он повзьөд;
Миян весиг оз пов чаль -
Миянөс он повзьөд.
Пөрысь йөзлы воө пом,-
Дырөн-надзөн бырө.
Пөрысь пыдди быдмө том -
Миян радыс тырө.
Вермас век на лоны кось,-
Абу ылын рөкыд,-

Век жё роч мутё он босьт,
Босьтныд лоё съёкыд.
Сэки быдён колям горт,
Мунам война вылё,
Ставным, кызди ёти морт,
Сувтамё враг вылё.
Налы судзяс миян вын,
Лэбны огё кужой...
Кутас резны би да тшын...
Тайё кыв ог вуджой.
Тодам, кутшом права бур,
Шуда олём сиям...
Совет понда пуктам юр,-
Видзам том Россия.
Коммунар оз некор бёрд,-
Абу страшнё кулом;
Миян знамя югыд гёрд.

САЛДАТ СЪЫЛАНКЫВ

(Ногыс «Вдоль по линии Кавказа»)

Ылын, ылын, роч Кавказын,
Уна, уна киссис вир...
Войска водзын вёлі варыш -
Гёрд апицер-командир.
Сійё миянёс зэв ошкис,
Сэн жё сетіс ён приказ:
«Мед быд кыин вёлі, вокьяс,
Выль ружйё да патрон дас...
Пуртёсын мед лэчыд шашка,
Коскё ошны ливорвер...
Мунамё ми враглы паныд,
Петкёдламё налы шер...
Ставсё пасьям, огё полё, -
Озыр понлы сэні туй,

Коді кольо - босьтам плено,
Этшаджык мед лоо шуй.»
Кустьяс доро надзон водис
Кыз рушкау генерал,
Кыз пу улын рана понда
Куйлис миян коми морт.
Том бур вирыс ёна мунис -
Кыз пу динсянь модис шор...
Вылын лэбалис съод кырныш,
Кылис муысь сёян тор.
- Эн на, кырныш, ёна тэрмась.
Эз на лолой ставыс пет;
Лэбзы, лэбзы Коми муо,
Батьлы, мамлы юор сет.
Висьтав менам готырпулы,
Мед оз виччысь мено бор;
Мено готралис тан сабля -
Воссис зонлон морос шор.
Мундой, мундой, вокьяс, водзо,
Став му пасьта вочдой мир;
Мено кыз пу уло кольой -
Мед нин петас аллой вир.
Кыз пу кутас мено тодны,
Улас лоо менам горт...
Сийо товкод кутас сывны
Кызди кольччис коми морт.

САР

Нель во сайын, кызди райын
Овлис миян «белой» сар;
Кодон - порлис, уна сорлис...
Ставсо аддзис Питир кар.
Война панис, шондибанос,
Йозлы корсис съокыд ноп.

Юис, сёйис, эмбур тоис...
«Многа лета» сьыліс поп.
Сьылөн гөтыр вөлі гостыр
(Сійөс төдө вөлі сар)
да Распутин
(Тэ не шути)
Сибдывлісны воча пар...
Лунысь-лунө вөлі мунө
Йөз син водзын налөн пир.
Көнкө ылын, война вылын
Голь йөз кисьтө вөлі вир.
Олөм йывсьыс налы кывсис:
Быдөн адзис, мыйысь кось...
Часыс тырис - йөзыс бырис,
Тадзи овны дзик оз позь.
Пөра мунө, тайө лунө
Нель во сайын вөлі зык.
Югьд-дзарьд миян сарьд
Сэксянь Питирын оз тшык.
Уна бөрдьсь сійө бердысь
Коли: поп-дьяк да буржуй
Налы колө.
Важ кодь олөм,-
Тайө права пеж, оз и туй...
Йойыс бырө, гуө пырө,
Мый век сьылад, поп да дяк?
Аслад райө асьныд кайө!
Йөзсө көть и он нин ляк,
Тырмас дурны - йөзсө пурны,
Асьныд корсьөй кынөмпөт!
Энө бөрдөй - синмыд бердө,
Краснөй салдат сар оз сет.

СТАВӨН СӨВЕТӨ БӨРЙЫСЬНЫ!

Сөвет Союзын,
Көн олөмыс пуө,
Кыптөма уджалан өд, -
Партия туйөдөм улын
Став уджнас
Веськөдлө Сөвет.

Сы пыр ми выль олөм дорам,
Мунам социализмө, -
Важлы бергөдөм мыш...
Сы пыр жө вермасым лёккөд,
Быдсяма классөвөй врагкөд
Нуодам тыш.

Медым некутшөм вөрөг
Уджлы вредитны
Нырсө оз суй,
Кулаклы, поплы,
Праватөм йөзлы
Тупкам Сөветө туй!

Налысь ми нинөм ог кывзө,
Ылөдчысь вөрөгьд абу
Миянлы рөдня ни сват.
Ставным ми бөрйысьны мунам,
Мунасны гөтыр и пиян...
Ёнджыка топөдам рад!

Сөветъясөс бөрьян кампанньө
Торкны оз вермы
Классөвөй враг!

Торкны оз лэдзны
Шөркодя олыськөд өтув
Колхозник, голь да батрак.

СЫКТЫВДІН КАРСА «КИРЫ-НАРЫ»

Нёбдінса Виттор серти.
(роча-комиа сыланкыв, гудөкөн)

Таво арын миян карын
Кыз-й кольөм во
Пыр на чотис, слаба сотчис
Электричество.

Кирли-карли, кирли-кар,-
Сердце веселится.
Миян коми Сыктывкар-
«Зыранскöй столица»...

Тита-рита, тита-ра -
Пляшем мы порою!
Оз ков мунны Питирө -
Лектричество лои.
Кумма-рина, кумма-ри -
Ты играй, гармошка!
Сюръя йылысь еджыд би
Первойсö зэв ошкі.
Виня-вöня, виня-вö -
Ты играй-ка дальше!
Аттö дивö, сё дивö,
Машинаыс пальша...
Дзирли-юрли, дзирли-йа -
Люблю я, повер мне!
Воши миян надея -
Биасьны эг вермö.

Тпрута-тата, тпрута-на -
Скучно, дорогая!
Станцияыд, сѳтана,
Битѳм олѳм вайѳ...
Гирли-гырли, гирли-гыр -
Пропадай, телега!
Пемыд лои - жуглі ныр,
Дойми - ѳдва лега.
Пети-сети, пети-га –
Друг мой, некороший!
Спектак вылысь петігѳн
Коньѳрѳй ме, воши...
Тпру-ка - ну-ка, тпру-ка-стой!
Доля, моя доля -
Оз-кѳ сартас ло, ой-ой,
Кыдзи тѳвсѳ колля...

ТѳЛЫСЬ КУСѳДѳМ

Миян карын эм каланча,
Некѳн абу сѳтшѳм мѳд.
Сѳні стѳрѳж вѳлі Ваньчо -
Пошехонечьяслѳн рѳд.
Ассьыс смена нуліс «бура»:
Арся войыд кѳи кузь,
Башня гѳгѳр ветлѳ жура,
Войтѳ «капельки» оз узь.
Сійѳс некод абу видысь;
Часі вартны эз вѳв скуп:
Куим пыдди клѳнгас витысь,
Мед пѳ лоас «на весь руб».
Тані олѳ сійѳ медѳн,
Тшѳтш пѳжарысь видзѳ кар,
Быдлун ассьыс места тѳдѳ:
Быттьѳ коз пу йылын тар.

Оти рытö воддза арын,
Этша пемдöм бöрын пыр,
Татшöм притча вöлі карын,
Кодöс Ваньчо тöдас дыр:
Ставыс вöлі шынитöлöсь,
Гөгöр ладнö, гөгöр бур;
Сэтчö шöрö кыптö тöлысь -
Вöрйас сайсянь мытчö юр.
Ваньчо син вылö нин уси,
Рöкыд вылö рöмыс гöрд;
Мортлөн пыр-и сувтис юрси,
Кöть тэ серав, кöть тэ бöрд.
Тöлысь кыптö ферма дорö,
Мыччысис нин гөгыль джын,
Ваньчо горöдис сэк гора:
«Ферма öйис... Би и тшын!»
Сэсся звöнитис тревога,
Мед команда петас пыр.
Сэк команда кывзис лёка,
Эз тай жуяв небось дыр.
Видзöдлिसны тöлысь вылö:
Бытгö кынтöм тасьтi вый,
Нырөн тшын дук весиг кылö...
Колö кусны, кöть мед мый!
Мödöдчисны йирки-йарки:
Медся водзын ыджыд удж,
Бöрсьыс мерин, турки-тарки,-
Тöлысь аддылас и пуж...
Йиркөдöны шумөн-гамөн,
Вöвьяс вылысь киссьö быг;
Мунö пошехонскöй сямөн
Командаын морт дас кык.
Артель Сыктыв ю нин вуджис
(Сэни вöйлi кучер Педь),
А брандмейстер сойяс пуджис,
Вылö лэптис кучик плеть.

Регыд мысти воис ферма:
Гөрдов төлысь век на сэн,
Керка весьтын,- сотны вермас
Часлы, петкөдласны звөн!
Зырөдісны төлысь вылө:
Ствольщик босьтіс кишка пом,
Өти багыр лептіс вылө...
Төлысь, регыд воас пом.
А топорник увтіс черөн -
Ырышсьома, сөмын сөт...
Сэн машина пызйө зерөн,
Өти кучер чуть эз пөд.
Төлысь казяліс, мый тадзөн
Збыльысь делө лоө дзуг;
Садьтөг повзис, сэсся надзөн
Кымөр сайө дзевсис - кук.
Сэсянь төлысь дзикөдз раммис:
Чуть пөжарник мыччас юр,
Удеритны небось сяммас -
Пырас кымөр сайө -гур.

ТОМӨН ГӨТРАСЬЫСЬЛӨН СЫЛАНКЫВ

(Ногыс - «То не ветер ветку клонит»)

Овны кужны колө вөлөм:
Колө өткөн овны дыр;
Өні бөрдө менам сьөлөм, -
Курыд шогөн сійө тыр.
Кор ме зоньяс кадө вои,
Кодыр вежөр эз на вөв,
Сэки ачымөс ме сөйи:
Босьті гөтыр, аслым пөв.
Сідзи гөтраси ме томөн,
Ёна томөн чеги борд...
Өні овны лоө «домөн», -
Лои шөрө вошөм морт.

Зонмөн олөм эг и төдлы,
Йёз моз овны эг ме куж;
Сөмын челядь олөм төдлі,
Сямтөг вөчи омоль удж...
Том бур кадөй коли бөрө, -
Югыд шонді, мусатор!
Коли жальөн сійө пөра,
Өні кватитчи – да сёр!
Думөн лэбны көсья вөлі,
Көсья вунөдны ме шог...
Вөлөм кольёма нин ылө, -
Том бур кадыд бөр оз лок.

ТРАКТОРИСТКА

(М. Андриевская серти)

«Луч» колхозын көдзны дась -
Лөсьөдчисны төвнас.
Трактористным Мирон Вась
Петас уклад вөвнас.
Ой-ля-и, ой-лю-ли!
Петас уклад вөвнас!

Гөгөр кылө уджлөн гор -
Кужам зіля вөрны.
Мулысь чашйим гөгөрбок -
Шыльыд лоө гөрны.

Ой-ля-и, ой-лю-ли!
Шыльыд лоө гөрны!

Сөмын Васьө абу дась,
Гөрдөдөма-өзйө:
- «Он кө содтө меным дон,
Уджавны ог көсйы!»

Ой-ля-и, ой-лю-ли!
Уджавны ог көсйы!

Сэн эз ковмы уна кыв,
Жуйсьыны ог кутö.
Радысь петіс öти ныв
Томиник Аняута.

Ой-ля-и, ой-лю-ли!
Томиник Аняута!

Васька-рвачлы доныс - нуль,-
Сыысь огö йöрмö:
Ачым сямма кутны руль,
Веськöдлыны верма.

Ой-ля-и, ой-лю-ли!
Веськöдлыны верма!

Трактортö ми кольöм төв
Велöдм курс вылын.
Миян радын мед эз вöв,
Кодлөн нырыс вылын!

Ой-ля-и, ой-лю-ли!
Кодлөн нырыс вылын!

Луныс - гажа, муыс - сыв,
Гөгөр ставыс ызгö...
Уклад вөлөн мунö ныв -
Мунö трактористка!

Ой-ля-и, ой-лю-ли!
Мунö трактористка!

ТУНЪЯСИ

Ичөт дырйи көсйи
Төдны ассыым шуд:
Вежа дырйи чөвтлі
Уна пөлөс пуд.

Тасьтїө ва пуктї -
Лои бытгыө пруд.
Өшинь, өдзөс тупки,
Пукси, бытгыө «чуд».

Регыд ваысь аддзи:
Пызан вылын блюд,
Орчча кушман тасьтї,
Сэн жө и нянь куд.

Туйө мунөм йылысь,
Уси... чер да зуд...
Тыдавліс мем ылысь
Мөс вильөдөм луд.

Уси меным кулөм,
Косясьөм да суд,
Верөс сайө мунөм...
Быдся пөлөс шуд.

Уна во нин коли,
Нинөм на эз тут;
Йөзлы серам лои -
Прөстө воши труд.

ЧУЖАН МУ

Көть кытчө ме ог мун,
Чужан муёй оз вун -
Дум вылын пыр.
Сьёлөм вылын ён дой...
Аддза вөтөн быд вой -
Ог вунөд дыр.
Төда сэтысь ме шор,
Гөнью вотан му-бор,
Дай мөдлапөв.
Төда, керка эм сэн,
Гажа овлі ме көн
Гожом и төв.
Кор жө аддза ме сідз:
Чужанінөс, му-видз,
Дай донатор, -
Сійө керка - ас поз?..
Лоёй муса важ моз
Керка и шор.

ШОНДИ

(сьыланкыв)

(Лёсьөдліс М.Лебедев)

Мича югыд шондыёй,
Бур жө нин тэ эм!
Важөн тэнё сьывлім ми,
Кугам сьывны нэм.

Тэ улын ми гажөдчам,
Ошкам тэнё ми:
Лёсьыд олөм му вылын

Кутö тэнад ки.

Öт-мөдлаö новлөдлан
Сьöрсьыд гажа рай -
Саридзянь да саридзö
Пöтка, лэбач, кай.

Аддзам, кыдзи тулысын
Ловзьö тэсянь му:
Видзьяс тырö дзоридзөн,
Вежмö вöрын пу.

Уджалысьлы төв кежлö
Быдтан, ваян нянь.
Ёна жö нин важысянь
Быдөнлы тэ шань.

Мича, югыд шондыöй,
Тэсянь - вой и лун!
Рытын муан мөдлаö, -
Йöзлы сетан ун.

Гажа жö нин асылыд,
Тэнад локтан кад:
Кайяс сэки сьылöны,
Мортыс сэки рад.

Зарни югыд шондыöй,
Сьылам тэнö пыр!
Пöрысьяслысь, томьяслысь
Пузьöдан тэ вир.

ШОНДІБАН

Ёгор тьёзлы,
Мукөд йёзлы
Часлы сьыла «Шондібан»,
Кутшөм гажөн
Овлім важөн -
Ньöти лөжтор абу тан.
Сэки уна
Вөлі муно
Курыд вина вылө сьөм,
Югыд суля
Вөлі кульө
Тэнсьыд дөрөм, гач и ком.
Ювысь мортлөн пыр нин гортын
Вөлі муно пинь да кось...
Кабак водзын
Шөйтан-жөдзан,
Кизьтөм, вөнтьөм, быттьө порсь.
Ёна юсян:
Чеччан-усян,
Өшөдчөма зырым-дуль;
Горшыд тырө -
Яндзим бырө,
Йөзлысь өшинь зорйөн жуль...
Сідзкө олан -
Он ло колан...
Зэв кө вылын видзан сой-
Пемыдінын,
Пытшьяс дінын, -
Чижовкаын узян вой.
Узьөм бөрын
Муртса вөран,
Лөкысь висьө тэнад юр...

Сэсся бара
Босьтчан яра
Юны гудыр самöкур.
Сэтшöм юрөн
Быдног дуран,
Век нин вылын «ён» кулак...
Он и төдлы
Öти мөдлы
Ыджыд пуртөн сүтшкан пак
Сэки асьтö быдөн шлачкö,
Потас бöрын балябöж,
Либö бокид
Доймас, кокид...
Сэсся ачид жö и пöж.
Лунысь лунö сідзи муно -
Воö тэнад кулан кад...
Ёна дырөн
Быдтор бырö,
Лоан ас вылад не рад.
Тэ нин тоша...
Шöрö вошан, -
Он и адзыв олан туй...
Вермас лоны
Судö воны...
Кывсьö тэныд Сибыр туй...
Ёгор тьöзöй,
Том бур йöзöй,
Кывзöй менсьым тайö кыв!
Лёкысь полöй,
Бура олöй,
Оз мöй югды асыввыв?
Öнi бара
Кывсьö карö:
Йöз пö юö ид и зөр...

Сідзён-гадзён,
Дырён-надзён
Вермас важас воны бөр...
Кыз нё позьё
Юны водзё
Сэтшөм пектор-самёкур?
Муса вокьяс,
Аддзёй шогьяс!
Юём помысь оз ло бур,
Думышт важсё,
Сэкса «гажсё»...
Кутшөм уна вёлі шог!..
Шондібанёй,
Олёманёй,
Омоль вёлі оланног.

ЮГЫД ТУЙ

(квайтөд во вылө)

Важён уна тор эз төдлы
Коми мортлөн юр, -
Сэки некыз вёлі төдны,
Мый нин кывсё бур.

Эз и төдлы газет йылысь
Миян коми сик,
Сөмын өти-мөдлы ылысь
Воліс «Биржевик».

Сідзи овны пемыд вёрын
Кузя лои, збыль.
Революцияс бёрын
Олём пуксис выль.

Вит во сайын тані чужіс

Газет «Югид туй».
Квайтöд вылö нин со вуджис, -
Восьтö олантуй.

Сийö велöдö, кыз овны,
Кызди бур да шань,
Кызди крестьяналы овны,
Кöдзны-гöрны нянь.

Коми йöзлы öнi позьö
Тöдны газет пыр:
Сарьяс костын бара косьö
Кодкö оз-ö пыр?

Оз-ö кöсйы Пуанкаре
Петкöдлыны страсть?
Мый нин вöчö Москва карын
Миян Сöвет власьт?

Тöдам, кор и кутшöм нота
Ыстö лёк Керзон...
Кутшöм Отдел мыйöн «чötö» -
Овлö пельетон.

Сы пыр сiдз жö тöдам, кöнi
Попыс медся горш...
Кызди мöдлаын ли сэни
Олö молодёжь.

Мукöд дырйи «Югид туйын»
Овлö коми стик;
Овлö статья: чукля туйöд
Мунö меньшевик...

Овлö: «Поёлын пö петö
Медьён самокур».

Газет вит во чӧжӧн сетіс
Вывті уна бур.

Петіс квайтӧд арӧс вылӧ,
Лыддысь содӧ век.
Сиа́м водзӧ овны сылы,
Бурӧс вӧчны век!

МБУК "СЫКТЫВДИНСКАЯ ЦБС"

Колегов Егор Васильевич

Чужан му

Сборник стихотворений

на коми языке

Составитель - Колегова М.Г.,
зав. Ёоским филиалом-библиотекой

им. В.И.Безносикова МУК «СЦБС

Набор текста - Колеговой М.Г.

компьютерная вёрстка - Муравьёва Л.Н.

Тираж - 30 экз.

Отпечатано в типографии ООО «Полиграф-Сервис»

An aerial photograph of a large dam with multiple yellow spillways. The water is a deep blue, and the dam structure is visible in the center. The image is partially obscured by a white, cone-shaped object in the top left corner and a dark, cone-shaped object in the bottom left corner.

МБУК "СЫКТЫВДИНСКАЯ ЦЭС"